



07217

通典卷第一百二十二

唐 京 兆 杜 佑

君

書纂

書纂

禮八十二 開元禮纂類十七 嘉一

皇帝加元服

卜日

皇帝將加元服卜日如別儀

告圓丘 方丘附

前一日諸告官清齋於告所其守衛及設罇坵等竝前

一日陳設如巡狩圖丘攝事儀

告方丘以前一日陳設及告官清齋等亦如之

為埋坎於壇南外壇之內北出陛

未明二刻諸告官各服其服郊社令

通典

卷百三

禮八十二

一

良醞令入實罇壘及玉帛

太罇二一實明水為上一實汎齊次之山壘二一實元酒

為上一實清酒次之玉以四珪有邸幣以蒼告方丘未太罇二一實明水一實醴齊玉兩珪有邸幣以黃

明一刻奉禮帥贊者先入就位贊引引御史太祝以下

入行掃除如常儀質明謁者引告官以下俱就門外位

奉禮帥贊者先入就位贊引引御史以下入就位謁者

引告官贊引引執事者次入就位定奉禮曰再拜謁贊

者承傳 凡奉禮者謁贊者皆承傳 告官以下皆再拜謁者進告官之

左白有司謹具請行事儀至禮畢燔祝版於齋所竝同

巡狩告圓丘攝事儀 告方丘其儀同但改昊天為皇地祇其玉帛埋之

告宗廟

其禮與巡狩告宗廟儀有司攝事同唯祝文臨時撰
臨軒行事

先一日尙舍奉御設御冠席於太極殿中楹閒南向莞
筵紛純加藻席續純加次席黼純守宮設羣官次於朝
堂太樂令展宮懸於殿庭竝如常儀設協律郎舉麾位
於殿上西階之西東向一位於樂懸東南西向鼓吹令
分置十二案於建鼓之外乘黃令陳車輅尙輦奉御陳
輿輦竝如常儀典儀設文官一品以下五品以上位於
懸東六品以下於橫街南皆重行西面北上設武官一
品以下五品以上位於懸西六品以下於橫街南當文

通典

卷宿五

禮八十二

二

官皆重行東面北上設朝集使位分方於文武官當品
之下設諸親位於四品五品之中

皇宗親在東
異姓親在西

設蕃客

位各分方於朝集使六品之南諸州使人分方位於朝
集使九品之後又設太師太尉位於橫街之南道東北
向西上又設典儀位於懸之東北贊者二人在南少退
俱西向奉禮設門外位於東西朝堂皆如元日之儀其
日諸衛勒所部屯門列黃麾仗如常羣官依時刻集朝
堂俱就次各服其服通事舍人引就朝堂前位侍中版
奏請中嚴太樂令鼓吹令帥工人入就位奉禮郎設壘
洗於阼階東南壘在洗東加勺畧篚在洗西南肆實巾

加纂尚舍奉御設席於東房內近西又張帷於東序外

殿中監陳袞服於東房內席上東領元衣纁裳十二章

八章在衣日月星辰山龍華蟲
火宗彝四章在裳藻粉米黼黻白紗中單黼領青褙襪

裾革帶玉鉤躡大帶青帶朱裏紐其外上以
朱下以緣鉤用組之朱黼三章

龍山鹿盧玉具劍火珠劍首白玉雙佩元組大雙綬六

綵元黃赤白纁綠純元質長二丈四尺五百首廣一尺

小雙綬長二尺六寸色同大
綬而首半之閒施二玉環朱鞞赤烏金飾纁纒玉簪

及櫛三物同箱在服北向尚舍奉御設莞筵一紛純加

藻席纁純加次席黼純又在南尚舍奉御實醴罇於東

序外帷內玷在罇北實角觶柶各一加纂饌陳於罇西

通典

卷宿五

禮八十二

三

籩豆各十二俎三在籩豆北設壘洗於罇東壘在洗西

加勺畧篚在洗東北肆實巾加畧靴壘罇籩豆及在廷

壘篚者竝絳公服立於其所袞冕垂白珠十二旒以組

爲纓色同其綬黻纁充耳玉導於箱太常博士一人立

於西階下近西東面諸侍衛之官各服其器服俱詣閣

奉迎典儀帥贊者先入就位通事舍人各引羣官入就

位太常博士引太常卿升西階立於西房外當戶北向

侍中版奏外辦皇帝著空頂黑介幘雙童髻雙玉導絳

紗袍以出侍衛警蹕如常儀皇帝將出太樂令令撞黃

鍾之鐘右五鐘皆應協律郎舉麾鼓吹奏太和之樂皇

帝出自西房太常博士引太常卿太常卿引皇帝卽御

座南向立樂止太常卿與博士退立於皇帝之左通事舍人引太師太

尉就位凡太師太尉進皆舍人導引太師初入門舒和之樂作至位

樂止典儀曰再拜贊者承傳羣臣在位者皆再拜太師

升自西階太師初行樂作至階樂止太師升立於西階

上東面太尉詣階階下壘洗盥手升東階詣東房內取

纒櫛箱進跪奠於御座西端太師詣御座前跪奏稱請

坐退復位皇帝坐太尉進當御座前少左跪脫空頂幘

置於櫛箱櫛畢設纒興少西東面立太師降盥初降樂

作盥訖詣西階下樂止太常受冕左執頂右執前升西

階進當皇帝前左樂作太師祝曰令月吉日始加元服

壽考惟祺以介景福乃跪冠興復西階上位太尉進皇

帝前少左跪設簪纓興復位皇帝興太常卿引適東房

殿中監進徹櫛纒箱以退皇帝著袞服太常卿引卽席

南向坐樂止太尉詣序外帷內盥手洗觶酌醴加柶覆

之面葉立於序內南向太師進受醴面柄進御前北面

祝曰甘醴唯厚嘉薦令芳承天之休壽考不忘訖跪進

觶興退降立於西階下東面將祝殿中監帥進饌者奉

饌設於御座前皇帝左執觶右取脯擣於醢祭於籩豆

閒太師取肺一以進皇帝皇帝奠觶於薦西受肺却左

手執本右手絕末以祭上右手躋之授太尉太尉加於
俎降立於太師之南皇帝悅手

侍中一人
進帷巾

取鞞以柶祭

醴啐醴建柶奠鞞於薦東皇帝初受鞞休和之樂作奠
鞞訖樂止太師太尉俱復橫街南位太師初行樂作至
位樂止典儀唱再拜贊者承傳在位者皆再拜太師太
尉出初行樂作出門樂止侍中前跪奏禮畢皇帝興太
樂令令撞蕤賓之鐘左五鐘皆應太和之樂作太常卿
引入東房侍衛警蹕如來儀入訖樂止通事舍人引東
西面位者以次出

見太后

通典

卷宿五

禮八十二

五

其日冠訖著通天冠服詣太后所御殿如常朝見之式
尚宮引就殿前北向再拜訖尚宮引出殿宮如常

謁太廟

將謁有司卜日如別儀前一日皇帝清齋於太極殿太
尉以下清齋於廟所近侍之官應從入廟者各於本司
清齋一宿諸衛令其屬晡後一刻各以其方器服守衛
廟門與太樂工人俱清齋一宿前三日尚舍直長施大
次於太廟南門之外道西東向尚舍奉御鋪御座守宮
設文武侍臣次於大次之後支左武右俱東向設太尉
以下次於齋坊內設三師次於侍臣次之西東向前二

日太樂令設宮懸之樂於廟庭如常儀右校清掃內外
前一日奉禮設御位於樂懸之南道西北向設太尉以
下及御史等位於內外如常儀設酒罇之位於廟堂上
前楹間各於室戶之左北向每室雞彝一鳥彝一犧罇

二山壘二皆加勺冪皆西上各有坫以置設壘洗籠如

常篚實其其執罇壘籠器及烹牲竝如巡狩告謁儀日

未明三刻太尉以下各服其服太廟令良醢令各帥其

屬入實罇壘雞彝犧罇上罇皆實以明水山壘之上罇

以清酒實以元酒鳥彝實以鬱鬯犧罇實以醴齊

以下神主各置於座如常儀訖各就位如巡狩告儀質

通典卷宿五禮八十二 六

明謁者引太尉以下俱就門外位太樂令帥工人次入

就位其升堂坐者皆脫屣謁者引太尉贊引引執事者

次入就位立定奉禮曰再拜太尉以下皆再拜其先拜者不拜

謁者進太尉之左白有司請行事其行事儀至讀祝文

如時享攝事儀唯無幡臍簪及奠毛血讀祝文曰維某年歲次月

朔日孝曾孫皇帝某太祖以下謹遣太尉臣名敢昭告

於獻祖宣帝祖妣某氏敬遵常典禮加元服以今吉辰

祇見謹以一元大武明粢薌合薌其嘉蔬嘉薦醴齊尙

享訖興太尉再拜初讀祝文訖樂作太祝進跪奠版於

神座俯伏興還罇所太尉拜訖樂止謁者引太尉以次

獻皆如獻祖之儀唯不盥洗徧獻訖其飲福受胙如常儀訖
謁者引太尉降復位贊引引御史太祝及執罇篚罍者
俱就執事位重行西面立以俟皇帝既謁廟出門太祝
等升復位訖登歌作雍和之樂諸祝各進入室徹豆出
還罇所登歌止奉禮曰賜胙其贊拜及納神主燔祝版
竝如時享攝事儀

親謁

前出三日本司宣攝內外各供其職前一日守宮設羣
官五品以上次東西朝堂如常謁晝漏上水三刻鑾駕
出宮發引前七刻搯一鼓為一嚴三嚴時節一發引前

通典

卷宿五

禮八十二

七

五刻搯二鼓為再嚴其鑾駕發引之儀與時享出宮儀
同唯陳小駕鹵簿乘金輅為異駕廻通事舍人引文武
羣官不從者退就次以俟駕至大次廻輅東向將軍降
立於路侍中進當鑾駕前跪奏稱侍中臣某言請降輅
俯伏興還侍位皇帝降輅乘輿之大次繖扇華蓋侍衛
如常儀通事舍人引三師各就便座各服其服出立於
大次門外太常博士引太常卿立於大次門外當門西
向侍中版奏外辦皇帝出次華蓋侍衛如常侍中負寶陪從如式
博士引太常卿太常卿引皇帝凡太常卿前導皆博士先引至廟門

外殿中監進鎮珪皇帝執鎮珪華蓋仗衛停於門外三

師近侍者從入如常皇帝初入門太和之樂作至版位北向立樂止太常卿與博士退立於左太常卿前奏稱請再拜皇帝再拜少頃太常卿又奏稱請再拜皇帝又再拜訖太常博士引太常卿太常卿引皇帝出還大次初行樂作出門樂止殿中監受鎮珪華蓋侍衛如常儀皇帝既還大次請解嚴轉仗衛至既入閣侍中版奏請解嚴叩鉦將士各還本所如時享還宮儀

會羣臣

皇帝見廟之明日會羣臣如元會之儀其上壽詞云具官臣某言伏惟皇帝陛下吉辰元服禮備樂和臣等不

通典

卷一百三

禮八十二

八

勝大慶謹上千萬歲壽

羣臣上禮

前一日守宮量設次於東朝堂如常儀其日應上禮之官依時刻各集於次皆服朝服奉禮先設上禮之官位於東朝堂之前近南文東武西重行北面對爲首又設中書舍人位於吏都爲首者之北南向設奉禮位於文官東北贊者二人在南差退俱西向通事舍人各引應上禮之官就位定令史二人對舉表案禮部郎中引就中書舍人前取表授舍人訖引案退奉禮唱再拜贊者承傳在位者皆再拜中書舍人奉表入進通事舍人

引在位者退

皇帝納后

卜日告圓丘方澤竝如加元服儀其祝文臨時撰

臨軒命使

將行納采制命太尉爲使者宗正卿爲副使吏部承以

戒之

問名納徵納吉告期并奉迎竝同使

前一日尙書奉御設幄座於太

極殿如常守宮設羣官客使等諸應陪位者次於東西

朝堂太樂令展宮懸於殿庭設舉麾位於殿上一位於

懸下鼓吹令設十二案乘黃令陳車輅尙輦奉御陳輿

輦皆如元日之儀典儀設文官一品以下五品以上位

通典

卷宿三

禮八十二

九

於懸東六品以下於橫街南皆重行西面北上設武官

一品以下五品以上位於懸西六品以下於橫街南當

文官皆重行東面北上設朝集使位各分方於文武官

當品之下設諸親位於四品五品之下

皇宗親在東
異姓親在西

設蕃客位各分方於朝集使六品之南諸州使人分方位

於朝集使九品之後設典儀位於懸東北贊者二人在

南少退俱西向設使者受命位於大橫街南道東副使

又於其東少退俱北面奉禮設門外位於東西朝堂如

元日儀其日諸衛勒所部列黃麾仗如常儀羣官依時

刻集朝堂俱就位各服其服通事舍人引就朝堂前位

侍中量時刻版請中嚴鉞戟近仗入陳於殿庭太樂令帥工人就舞位協律郎入就舉麾位諸待衛之官各服其器服符寶郎就閤奉迎典儀帥贊者先入就位通事舍人引羣官入就位又引使主副入立於大極門外道東西面黃門侍郎引主節執幡節中書侍郎引制書案立於左延明門內道北西面北上侍中版奏外辦皇帝服袞冕御輿以出曲直華蓋警蹕待衛如常儀皇帝將出仗動出自西房即御座坐南向符寶郎奉寶置於御座如常通事舍人引使主副入就位定典儀曰再拜贊者承傳羣官在位者皆再拜侍中前承制降詣使者東

通典

卷宿五

禮八十二

十

北西面稱有制使主副俱再拜侍中宣制曰納某官女為皇后命公等持節行納采等禮宣訖使主副又再拜侍中還侍位黃門侍郎引主節於使者東北西面授使者使者受付主節主節立於使後黃門侍郎退中書侍郎引制書案立於使者東北西面中書侍郎取制書持案退自使後立於使者之左西面授使者使者受制書置於案持案者退立於使後中書侍郎退典儀曰再拜贊者承傳羣官在位者皆再拜舍人引使者主副出持節者前導持案者次之侍中前跪奏稱侍中某臣言禮畢俛伏興還侍位皇帝降座升輿入自東房侍衛警蹕如來儀舍人引

羣官在位者以次出初使主副乘輅備儀仗而行鼓吹備而不作從者乘車以從其制書油絡網犢車載而行自後皆如之

納采

前一日守宮設使者次於后氏大門外道右南向其日

大昕使主副至於后氏大門外掌次者迎入次

凡賓主及行事

者皆公服主人受於廟

無廟者受於正寢

掌事者布神席於室戶外

之西莞筵紛純加藻席畫純南向右雕几使主副出次謁者引立於大門外之西東門北上持幡節者立於使者之北少退東面令史二人對舉制案立於使者之南

通典

卷宿五

禮八十二

士

執鴈者又在其南俱東面主人立於大門內西面僮者立於主人之左北面受命出立門東西面曰敢請事使者曰某奉制納采僮者入告主人曰臣某之女若如人既蒙制訪臣某不敢辭僮者出告入引主人出迎使者於大門外之南北面主人再拜使者不答拜主人揖使者先入於階使者及宗正卿入幡節先導其持節案及執鴈者從入幡節立西階之西東面

自後幡節皆如之

使者由

西階升於兩楹閒南面使副在使者西南持案及執鴈

者在使副西南俱東面主人升阼階詣使者前北面持

案者以案進使副前使副取制書持案者退復位使副

奉制書進授使者退復位持節者脫節衣使者曰有制
主人再拜宣制主人降詣階閒北面再拜稽首訖升進
北面受制書退以授左右仍北面立使副取鴈以授使
者退復位使者受鴈主人再拜進受鴈退以授左右仍
北面立僮者引二人對舉答表案進於主人後少西僮
者取表以授主人主人受進授使者訖復位再拜持節
者加節衣謁者引使者及使副等降自西階以出

制文

凡六禮皆以版長一尺二寸博四寸厚八分
分后家答版亦如之

皇帝曰咨具官封姓渾元資始肇經人倫爰及夫婦以
奉天地宗廟社稷謀於公卿咸以爲宜率由舊典今使
持節太尉封某宗正卿封某以禮納采

通典

卷宿三

禮八十二

十三

答文

皇帝嘉命訪婚陋族備數采擇臣之女
姑姊妹則云先臣某官之遺女
未閑教訓衣履若而人欽承舊章肅奉典制某官封臣
姓名稽首頓首再拜承制詔

問名

使者既出遂立於內門外之西東向竝如納采位初使
者降主人降立於內門內東廂西面僮者進受命出請
事使者曰將加卜筮奉制問名僮者入告主人曰臣某
之子若而人既蒙制訪臣某不敢辭僮者出告入引主

人出迎使者至主人受鴈訖出如納采儀使者出立於門內之西使副在南少退俱東面初使者降主人延使立於東階下西面僮者進受命出請事使者曰禮畢僮者入告主人曰某公奉制至於某之室某有先人之禮請禮從之僮者出告使者曰某既得將事敢辭僮者入告主人曰先人之禮敢固以請僮者出告使者曰某辭不得命敢不從僮者入告遂引主人升立於序端掌掌者徹几改設二筵東上各用莞筵紛純加藻席績純設甌醴於東房西牖下加勺冪拈在罇北實觶二角柶二一籩一豆實

通典

卷一百一

禮八十二

三

人降迎使者於內門外之東西面揖使者先入使者入門而左副從之主人入門而右至階主人曰請某位升使者曰某敢辭主人曰固請某位升使者曰某敢固辭主人曰終請某位升使者曰某敢終辭主人升阼階使者升西階副從升俱北面主人阼階上北面再拜使者及副西階上北面答再拜主人受几於序端掌事者內拂几三奉兩端西北向以進主人東南向外拂几三振袂內執之掌事者一人又執几以從主人進西北向使者序進迎受於筵前東南向以俟主人還東階上北向再拜送使者以几筵進北面跪各設於座差退於西階

上北面東上俱答再拜立於階西東面南上贊者二人俱升取觶降盥手洗觶升實醴加柶於觶覆之面葉出房南面主人受醴面柄進使者筵前西北面立又贊者執觶以從使者西階上北面各一拜序進筵前東南面主人又以次授醴使者受俱復西階上位主人退復東階上北面一拜送掌事者以次薦脯醢於筵前使者各進升筵皆坐左執觶右取脯擣於醢祭於籩豆閒各以柶祭醴三始扱一祭又扱再祭興各以柶兼諸觶上躡降筵於西階上俱北面坐俱辟醴建柶各奠觶遂拜執觶主人答拜使者進升筵坐各奠觶於薦東降筵序立

人入立於東階下西面僮者告主人曰賓不顧矣主人反於寢使者奉答表詣闕進

制文

皇帝曰咨某官封姓兩儀配合承天統物正位於內必俟令族重章舊典令使者持節太尉封某宗正卿封某以禮問名

答文

皇帝嘉命使者某重宣中制問臣名族臣女夫婦所生先臣故某官之遺元孫先臣故某官之遺曾孫先臣故某官之遺孫先臣故某官之孫女年若干欽承舊章謹

通典

卷一百一十五

禮八十二

五

奉典制某官臣姓某稽首頓首再拜承制詔

若女祖以上在則直

云某官臣之孫女等語

納吉

前一日守宮設使者次以下至主人立於大門內西面如納采儀僮者進受命出請事使者曰加諸卜筮占曰從制某也納吉僮者入告主人曰臣某之女若而人龜筮云吉臣占在焉臣某謹奉典制僮者出告入引主人出迎使者於大門外以下至使者降自西階以出如納采儀使者出立於內門外之西使副在南少退俱東面初使者降主人立於東階下西面僮者進受命出請事

使者曰禮畢其僮使者如問名之儀

制文

皇帝曰咨某官姓人謀龜筮僉曰貞吉敬順典禮今使使持節太尉封某宗正卿封某以禮納吉

答文

皇帝嘉命使者某重宣中制太卜元吉臣陋族卑鄙憂懼不堪欽承舊章肅奉典制某官臣姓某稽首頓首再拜承制詔

納徵

前一日守宮設使者次如初其日大昕使主副至后氏

通典

卷宿五

禮八十二

六

大門外掌次者延入次執事者入布罍於內門之外元纁束帛陳於罍上六馬陳於罍南北首西上執事者奉穀珪以匱俟於罍東西面掌事者設几筵如初使主副出次謁者引立於大門外之西東面北上持幡節者立於使者之北少退東面令史二人對舉制案立於使副南東面主人立於大門內西面僮者進受命出請事使者曰某奉制納徵僮者入告主人曰奉制賜臣以重禮某祇奉典制僮者出告入引主人出迎使者於大門外之南北面主人再拜使者不答拜謁者引使者及使副入幡節前導持案者從入使者入門而左主人入門而

右至於內門使主副立於門西東面北上主人立於門
東西面僮者引主人揖使者先入門至階使副從入由
西階升立於楹閒南面使副在使者西南持案者在使
副西南俱東面主人由阼階詣使者前北面立執事者
坐啓匱取珪加於元纁上及牽馬者從人三分庭一在
南北首西上執珪者在馬西俱北面持案者以案進使
副前使副取制書持案退復位使副奉制書進授使者
退復位持節者脫節衣使者曰有制主人再拜使者宣
制畢主人降詣階閒北面再拜稽首訖升進北面受制
書退以授左右仍北面立僮者引二人對舉答表案進
主人後少西僮者取表以授主人主人受以授使者訖
退復位再拜謁者引使者及使副等降自西階以出立
於內門外之西使副在南少退俱東面初主人受制書
訖左右受玉帛於庭受馬者自左受之以東牽馬者既
授馬自前面而出主人降立於東階下西面僮者進受
命出請事使者曰禮畢其僮使者如納吉之儀

制文

皇帝曰咨某官姓之女有母儀之德窈窕之姿如山如
河宜奉宗廟永承天祚元纁珪馬以章典禮今使使持
節太尉封某宗正卿封某以禮納徵

答文

皇帝嘉命使者某重宣中制降婚卑陋崇以上公寵以
豐禮備物典冊欽承舊章肅奉典制某官臣姓名稽首
頓首再拜承制詔

告期

前一日守宮設使者次以下至出請事如納采儀使者
曰制使某告期儻者入告主人曰臣某謹奉制儻者出
告入引主人出迎使者以下至禮畢如納采儀

制文

皇帝曰咨某官姓謀於公卿大筮元龜罔有不臧率遵

通典

卷宿五

禮八十二

文

典禮今使使持節太尉封某宗正卿封某以禮告期

答文

皇帝嘉命使者某重宣中制告曰惟某月某日可迎臣
欽承舊章肅奉典制某官臣姓某稽首頓首再拜承制

詔

告期

有司以特牲告如常告禮祝文臨時撰

冊后

前一日守宮設使者次於后氏第大門外之西如常尙
舍設尙宮以下次於后氏閤外道西東向障以行帷其

日臨軒命使如納采命使之儀

太尉為正使司徒為副使

奉禮設使

者位於大門外之西東向使副及內侍位於使者之南

舉冊案及寶綬者在南差退持節者在使者之北少退

俱東向設主人位於大門外之南北面設使者以下及

主人位於內門外亦如之設內謁者監位於內門外主

人之南西面謁者監設司贊位於東階東南掌贊二人

在南差退俱西向內謁者監又先置一案於閤外近限

使主副乘輅持節備儀仗鼓吹備而不作至后氏大門

外使者降輅掌次者延入次尙宮以下至客之次內僕

進重翟以下大門外道西東向北上諸衛令其屬布后

通典

卷一百一十五

禮八十二

九

儀仗如常使者出次謁者引使者以下就門外位主人

朝服出立於東階下西面僮者進受命出門東西面曰

敢請事使者曰某奉制授皇后備物典冊僮者入告遂

引主人出迎於大曰外北面再拜使者不答拜謁者引

使者入門而左持節者前導持案者次之主人入門而

右至內門外各就位立定奉冊寶案者進當使副前使

副受冊寶持案者退復位使副以冊寶進授使者退復

位內侍進使者前西面受冊寶東面授內謁者監復位

內謁者監持冊寶人立於閤外之西東面跪置冊寶於

案俯伏興尙宮以下入閤奉后首飾禕衣

其衣服所傳司先進

姆贊出尚宮引降立於庭中北面尚宮跪取冊尚服跪
取寶綬興立於后之右少前西向司言司寶各一人進
於后左少前東向尚宮稱有制尚儀贊皇后再拜皇后
再拜宜冊訖尚儀又贊皇后再拜皇后再拜尚宮奉冊
進授皇后皇后受以授司言尚服又奉寶綬進授皇后
皇后受以授司寶訖尚儀贊皇后升座尚宮引皇后升
座南向坐內官以下俱降立於庭重行北向西上立定
司贊曰再拜掌事承傳內官以下皆再拜訖諸應侍衛
者各升立於侍位尚儀前跪奏稱禮畢皇后降座尚宮
引皇后入於宮主人嬪使者如告期之儀前使者乘輅
而還詣闕復命

通典

卷一百一十一

禮八十二

五

冊文

維某年月日皇帝使使持節太尉封某司徒封某冊命
某官女某氏爲皇后咨爾易階乾坤詩首關睢王化之
本實由內輔是故皇英嬪虞帝道以光太任妣姬周允
克昌皇后其祇勛厥德以肅承宗廟虔恭中饋敬盡
婦道帥導於六宮作範儀於四海皇天無親惟德是依
可不慎歟

命使奉迎

其日晡後侍中量其時刻版奏請中嚴晡後三刻皇帝

服袞冕出升所御殿宮人侍衛如常文武之官五品以上立於東西朝堂如常儀奉迎前一日守宮設使者次於大門外道右設使副及內侍次於使者次西俱南向尙舍設宮人次於閤外道西奉禮設使者位於大門外之西東向使副位於使者之南持案及執鴈者又在南差退持節者在使者北少退俱東向奉禮位於使副西南贊者二人在南差退俱東面設內侍位於大門外道左西面其日司贊設宮人以下位於堂前使主副朝服發朝堂乘輅持節備儀仗至大門外使者降輅掌次者延入位宮人等各之次奉迎文武官至宿衛及列鹵簿

通典

卷一百一十五

禮八十二

五

如常儀尙儀奏請皇后中嚴量時刻姆傳導皇后尙宮前引出升堂宮人等侍衛如常儀皇后將出主婦出於房外之西南向文武奉迎者皆陪立於大門外文東武西北上位定謁者引使者詣大門外位使副內侍等各就位主人立於內門外堂前東階下西面賓者受命出請事使者曰某奉制以今吉辰率職奉迎賓者入告主人曰臣謹奉典制賓者出告入引主人出門南北面再拜使者不答拜謁者引使者入門而左持節者前導使副及持案執鴈者次之主人入門而右至內門外堂西階使者先升立於兩楹閒南面使副在使者西南持案

及執鴈者在使副西南俱東面主人升東階詣使者前
北面立持案者以案進使副前使副取制書持案者退
復位使副奉制書授使者退復位使者曰有制主人再
拜使者宣制畢主人降詣階間北面再拜稽首訖升進
北面受制書退授左右訖主人再拜進受鴈授左右仍
北面立僮者引二人對舉笞表案進立於主人後少西
僮者取表以授主人主人受以授使者訖退復位再拜
謁者引使者及使副降自西階以出復門外位立定奉
禮曰再拜贊者承傳使主副俱再拜使者曰令月吉日
某等承制率職奉迎內侍受以入傳於司言司言受以

通典

卷一百三

禮八十二

三

奏聞尚儀奏請皇后再拜皇后再拜訖主人升自東階
進西面誠之曰戒之敬之夙夜無違命主人退立於東
階上西面母誠於西階上施襟結帨曰勉之敬之夙夜
無違命訖腰輿進皇后升輿以降尚宮前導六尚以下
侍衛如常皇后升重翟以几姆加幪內宮侍從及內侍
導引應乘車從者如鹵簿常儀迎使及百官當引從者
皆退隨便立皇后車出大門外以次乘車馬引從如常

制文

皇帝曰咨某官姓歲吉月令吉日惟某率由典禮今遣
使持節太尉封某宗正卿封某以禮迎

答文

皇帝嘉命使者某重宣中詔令月吉辰備禮以迎螻螳之族猥承大禮憂懼戰悸欽承舊章肅奉典制某官臣姓某稽首頓首再拜承制詔

同牢

其日內侍之屬設皇后大次於皇帝所御殿門外之東南向鋪座如常將夕尙寢設皇帝御幄於所御之殿室內之奧東向鋪地席重茵施屏帳初昏尙食設洗於東階東南東西當東雷南北以堂深壘水在洗東篚在洗西南肆篚實以巾二爵二設后洗於東房近北壘水在洗西篚

通典

卷一百三

禮八十二

三

在洗東北肆皆加勺罍饌於東房西牖下籩豆各二十四簋簠各二登各三皆加巾蓋俎三罇於室內北牖下元酒在西加羶勺南柶罍夏用絺冬用組又罇於房戶外之東

無元酒其器皆烏漆惟皇后重翟

入大門鳴鐘鼓其鐘鼓所司先陳設鳴鐘鼓者所以聲告內外鹵簿止於外近

侍應從者如常皇后從永巷至大次前廻車南向施少

障畢尙儀進當車前跪奏請降車輿退復位皇后降車

御輿司輿率繖扇等司燈率執燭者布列前後皇后入

就大次嚴整訖尙宮引皇后詣所御殿門外之東西向

立尙儀跪奏外辦請降座禮迎皇帝降座尙宮前引詣

門內之西東面揖后以入尚食徹罇罍酌元酒三注於罇尚寢設席於室內之西東向

莞筵粉純加藻席績純次席黼純對席亦準此

皇帝導后升西階入室卽席東向立皇后入立於罇西

南向皇帝盥於南洗皇后盥於北洗尚食率其屬以饌

入設醬於席前菹醢在其北俎三人設於豆東豕俎特

於俎北

豆東菹醢之東

尚食設黍於醬東稷稻粱又在東設滂

於醬南

饌要方也

設對醬於東

對醬后醬也設之當時俎

菹醢在其南北

上設黍於豕俎北其西稷稻粱設滂於醬北尚食啓會

邠於簠簋之南對簠簋於北

啟發也豆蓋徹於房

各加七箸尚寢

設對席於饌東尚食西面跪奏饌具興皇帝揖皇后對

通典

卷宿五

禮八十二

五

席西面皆坐尚食跪取韭菹醢授皇帝又尚食跪取

韭菹醢授皇后皇帝及皇后俱受祭於豆間尚食又

取黍實於左手徧取稷稻粱反於右手授皇帝又尚食

取黍實於左手徧取稷稻粱反於右手授皇后皇帝及

皇后俱受祭於豆間尚食各以肺加於俎司飾三人以

巾授皇帝及皇后俱悅手訖尚食各跪品嘗饌訖各移

黍置於席上以次授肺脊皇帝及皇后皆食三飯卒食

尚食二人俱盥手洗爵於房入室詣酒罇所酌酒進授

皇帝及皇后俱受爵祭酒尚食各以肝從皆奠爵振祭

齊之尚食皆受實於俎豆各取爵皆飲訖尚儀俱進受

虛爵奠於坵再酌如初三酌用盞如再酌尚食俱降東階洗爵升酌於戶外罇進北面俱奠爵興再拜跪取爵祭酒遂飲卒爵奠拜執爵奠興降奠於篚還侍位尚儀北面跪奏稱禮畢興皇帝皇后俱興尚宮引皇帝入東房釋冕服御常服又尚宮引皇后入幄脫服尚宮引皇帝入尚食率其屬徹饌於東房如初皇后從者餽皇帝之饌皇帝侍者餽皇后之饌

皇后表謝

皇后至宮之日服展衣出司言引尚宮尚宮前導及左右侍從左常升正殿兩楹間北面立又尚儀以謝表授皇后又尚儀以案俟於前皇后置表案上尚宮贊拜皇后再拜訖尚儀以表降殿授內侍內侍因中書以聞初內侍出門皇后降殿還寢如常

朝皇太后

其日大昕所司設皇太后御座地席於所御之殿南尚食帥司膳設側罇甌醴於東房內東壁下加勺罍籩一豆一實以脯醢設於罇北又設洗於罇西近北壘水在洗西篚在洗東北肆篚實以巾幕角罍一角相一其日皇后夙興沐浴尚儀版奏請皇后中嚴質明六尚及諸侍衛宮人俱詣寢殿奉迎尚儀版奏外辦皇后服褱衣加首飾御輿

尙宮前導降自西階以出侍衛如常至皇太后閣外皇
后降輿障扇侍從如常立於西廂東面皇后將至尙儀
奏請皇太后中嚴皇后既至閣外尙儀奏皇太后外辦
皇太后服禕衣首飾司言引尙宮尙宮引皇太后出卽
御座前南向坐侍從如常皇后執筭棗栗暇修司言引
尙宮尙宮引皇后入升西階北面再拜跪進奠於皇太
后座前皇太后撫之尙食進徹以東司言引尙儀尙儀
引皇后入升西階北面再拜進跪奠筭於皇太后座前
皇太后撫之尙食進徹以東司言引尙宮尙宮引皇后
退北面又再拜司設設皇后席於戶牖之間近北南向

通典

卷宿五

禮八十二

五

司言引尙宮尙宮引皇后立於席西南向尙食入東房
盥手洗解酌醴加柶面柄出進詣皇后席前北向立皇
后進北面再拜受醴尙食薦脯醢於席前皇后升席坐
左執觶右取脯擣於醢祭於籩豆間以柶祭醴三始一
扱祭又扱再祭加柶於觶面葉輿降席北面跪啐醴建
柶輿北面再拜進升席跪奠觶於薦東輿降席司言引
尙宮尙宮引皇后降自西階以出御輿而還侍從如常
儀初皇后出閣尙儀跪奏稱禮畢俯伏輿還侍位皇太
后降座入室如常

皇后受羣臣賀

右如正冬賀儀唯辭云具官臣某等言伏惟殿下徽猷昭備至德應期凡厥黔黎不勝慶躍

皇帝會羣臣

右如正冬會儀唯樂備而不作上壽辭云具官臣某等言皇后坤儀配天德昭厚載克崇萬葉明嗣徽音凡厥兆庶載懷鳧藻臣等不勝慶忭謹上千萬歲壽

外命婦朝會

右如正冬朝會儀唯賀辭云某位妾姓等言伏惟殿下坤象配天德昭厚載率土含識不勝抃舞會辭惟加謹上千萬歲壽

通典

卷一百一十五

禮八十二

七

羣臣上禮

右如加元服上禮之儀

皇后廟見

前一日皇后請齋於別殿內官應從入廟者俱清齋一日於廟所諸衛令其屬晡後一刻各以其方器服守衛廟門與太樂工人俱清齋一宿前二日尚舍直長施皇后大次於大廟北門內之西東向周以行帷尚舍奉御鋪御座尚舍直長又量設內官以下次於大次之後守宮設外命婦妃主以下次於廟北門外之西道北南向東上周以行帷設行事太尉以下次於齋坊之內太樂

令設宮懸之樂於廟庭如式前一日右校清掃內外內
謁者監設皇后版位於樂懸之北道西北向設外命婦
位於其次前北面東上奉禮設太尉以下及御史等位
於內外竝如常儀設酒罇於廟堂之上前楹閒各於室
戶之左北向每室彝二罇二春夏用雞彝犧罇秋冬用斝黃彝著罇山壘
二皆加勺鬯皆西上各有玷以置設洗於東階東南北
向以下至太祝持版如加元服謁廟儀太祝持版進於
室戶外之右東向跪讀祝文曰維某年歲次月朔日子
孝曾孫開元神武皇帝某太祖以下謹遣太尉封臣名
敢昭告於皇祖某諡皇后某氏太祖以下廟則稱妾某氏將伸祇見
通典卷百五禮八十二元

謹以一元大武明粢薌合薌其嘉蔬嘉薦醴齊敬薦尙
掌訖興太尉再拜初讀祝文樂作太祝進跪奠版於神
座前俛伏興還罇所太尉拜訖樂止謁者引太尉以次
獻皆如獻祖之儀惟不盥洗徧獻訖以下如加元服謁廟儀
唯執事則每事訖還齋所

車駕出宮

前出宮三日本司宣攝內外各供其職其日晝漏上水

四刻車駕出宮發引前七刻槌一鼓爲一嚴三嚴時刻前一日內

侍中發引前五刻槌二鼓爲再嚴尙儀版奏請中嚴司

贊設內命婦版位於皇后所御殿閣外道東重行西向

北上內命婦各服其服所司陳小駕鹵簿發引前二刻
搥三鼓爲三嚴司贊引內命婦各就位六品以下各服

其服俱詣室奉迎

尙服負
璽如式

內僕進重翟於閣外尙儀版

奏外辦馭者執轡皇后首飾禕衣乘輿以出警蹕侍衛
如常儀皇后升車仗衛如常六尙等乘車陪從如式司

賓引內命婦退隨近以俟諸翊駕之官皆乘馬駕動稱

警蹕如常不鳴鼓角諸衛前後督攝如常外命婦三品

以上及公主縣主皆先置各就次俱服其服車駕將至

內侍之屬守廟四門內謁者贊外命婦妃主等出次內

典引引就位立駕過引還次初駕將至內侍之屬守廟

通典

卷宿五

禮八十二

五

四門駕至廟北門迴車北向尙儀進當前跪奏稱尙儀

妾姓言請降車輿還侍位皇后降車升輿入大次繖扇

華蓋侍衛如常尙儀鹵簿停於廟外皇后停大次半刻

頃司言引尙宮立於大次門外當門西向尙儀版奏外

辦皇后出次侍衛如常

尙服負璽
陪從如式

司言引尙宮尙宮引

皇后

凡尙宮前導
皆司言先引

至版位北向立尙宮與司言退立於

左皇后立定尙宮前奏請再拜皇后再拜少頃尙宮又

奏請再拜皇后再拜訖司言引尙宮尙宮引皇后還

大次內侍版奏請解嚴

將士不得
輒離部位

皇后停大次八刻頃

搥一鼓爲一嚴轉仗衛於還途如來儀三刻頃搥二鼓

爲再嚴尙儀版奏請中嚴皇后改著鈿釵禮衣五刻頃
擗三鼓爲三嚴六尙以下詣大次奏迎內僕進重翟於
廟北門外尙儀版奏外辦馭者執轡皇后乘輿出次華
蓋侍衛如常皇后升車鼓吹振作而還六尙等升車陪
從如來儀皇后將出門內謁者贊引外命婦等出次內
典引引就位駕至位所內侍奏請駕權停外命婦再拜
訖內侍承令令外命婦還外命婦又再拜車駕過內典
引引外命婦各還第駕至所御殿閣外廻車南向尙儀
進當車前跪奏稱尙儀妾姓言請降車還侍位皇后降
車輿以入侍衛如常於車駕將至司賓引內命婦俱就
位皇后旣入司賓引內命婦退內侍版奏請解嚴將士
各還其所

通典

卷宿三

禮八十二

序

通典卷第一百二十三

唐 京 兆 杜 佑 君 卿 纂

禮八十三 開元禮纂類十八 嘉一

皇帝皇后正至受皇太子朝賀

前二日本司宣攝內外各供其職前一日尚舍奉御設御幄座於太極殿北壁南向守宮設皇太子次於承天門外朝堂北西向又於東宮朝堂設宮臣次如式太樂令展宮懸於殿庭如臨軒儀典儀設皇太子位於橫街南道東北面設典謁位於懸之東北贊者二人在南差退俱西面奉禮設宮臣版位於東宮朝堂如常其日依

通典

卷百二十三

禮八十三

一

時刻宮官俱集於次各服其服諸衛率各勒所部陳設如常左庶子版奏請中嚴典謁引宮臣各就位如侍衛之官各服其器服

右庶子負寶如式

俱詣閤奉迎僕進金輅於

西閤外南向內率一人執刀立於輅前北向中允一人在侍臣之前贊者二人在中允前左庶子版奏外辦僕奮衣而升正立執轡皇太子具服遠遊冠

若未冠則絳雙童髻

紗袍升輿而出左右侍衛如常儀內率前執轡皇太子

升輅僕立授綏左庶子以下夾侍如常中允進當輅前

跪奏稱中允君某言請發引俛伏興退復位

凡中允奏請皆如此

輅動中允與贊者夾引以出內率夾輅而趨出出重

儀

明門至侍臣上馬所中允奏請輅權停令侍臣上馬左
庶子前承令退稱令曰諾中允退稱侍臣上馬贊者承
傳文武侍臣皆上馬左庶子夾侍於輅前贊者在供奉
宦人內侍臣上馬畢中允奏稱請令車右升左庶子前
承令退稱令曰諾中允退復位內率升訖中允奏請發
引退復位皇太子輅動三師乘車訓導三少乘車訓從
鳴鑣而行文武宮臣皆乘馬以從至長樂門鑣吹止至
次前廻輅西向內率降立於輅右左庶子進當輅前跪
奏稱左庶子臣某言請降輅俯伏興還侍位皇太子降
輅舍人引就次坐侍衛如常其日依時刻將士填街諸

通典

卷宿五

禮八十三

二

衛勒所部列黃麾大仗屯門及陳於殿庭如常儀皇太
子既就次侍中版奏請中嚴進仗就陳於閤外太樂令
帥工人入就位協律郎入就舉麾位諸衛之官各服其
服符寶郎奉寶詣閤奉迎典儀贊者先入就位通事舍
人引羣官四品以下次入就位皇太子出次舍人引皇
太子三師三少導從如式入立於太極門外之東西面
諸衛率左右庶子舍人侍中版奏外辦皇帝服袞冕之
及近侍者量人從入侍中版奏外辦皇帝服袞冕之
服乘輿以出曲直華蓋警蹕侍衛如常儀皇帝將出仗
動太樂令撞黃鍾之鐘右五鐘皆應協律郎跪俯伏舉
麾工鼓祝奏太和之樂鼓吹振作黃帝出自西房即御

座南向坐符寶郎奉寶置於御座如常協律郎偃麾夏

啟樂止舍人引皇太子入就位諸衛率左右庶子以下從入者立於皇太子東

南西面皇太子初入門舒和之樂作至位樂止立定典

儀曰再拜贊者承傳皇太子再拜舍人引皇太子詣西

階初行樂作至階樂止舍人引進當御座前北面跪賀

稱元正首祚景福惟新伏惟陛下與天同休冬至云天

惟陛下如日之升以下俯伏興舍人引降樂作復位樂止

皇太子再拜侍中前承制降詣皇太子東北西面稱有

制皇太子再拜宣制訖皇太子又再拜典儀唱再拜皇

太子又再拜通事舍人引出初行樂作出門樂止皇太

通典卷第五禮八十三

子既出公主入朝賀如別儀○皇太子朝賀皇后前一

日守宮設皇太子次於崇義門內隨地之宜其日司贊

設皇太子版位於皇后正殿之庭懸南北面皇太子朝

皇帝訖舍人引皇太子從納義門詣崇義門內次權停

外命婦朝賀將訖舍人引皇太子出立於肅章門外命

婦出訖內謁者監引皇太子至肅章門司賓承引皇太

子入就位立定司贊唱再拜皇太子再拜訖司賓又引

皇太子詣階升當御座前北面跪賀其賀詞同賀皇

帝唯駭云殿下俯

伏興引復位皇太子再拜尚儀前承令降詣皇太子西

北東面稱令旨皇太子再拜宣令訖又再拜司贊唱再

拜皇太子又再拜司賓引皇太子至閤內謁者監承引以出舍人引皇太子乘車還宮如來儀

皇帝皇后正至受皇太子妃朝賀

其日依時刻諸衛率各勒所部陳布妃儀仗如常內殿尉進車於閤外司測量時刻啓外辦妃服首飾褕衣乘車以出侍衛如常人至下車所妃降車侍從如常內侍所司引詣閤外皇帝卽御座南向坐侍衛如常司賓引妃升自西階進當御座前北面跪賀詞與上同唯加尊號耳賀訖

起司賓引降復位妃再拜訖尙儀前承敕降詣妃西北東面稱有敕妃再拜宣敕訖又再拜司賓引妃出謁皇

通典

卷一百一十五

禮八十三

四

后所御殿立於閤外六尚以下各服其服俱詣皇后內閣奉迎如式皇后出卽御座南向坐近侍如常司賓引

妃入立於庭北面立定再拜司賓引妃升自西階進當

御座前北面跪賀

賀詞同上

賀起訖司賓引降復位妃再拜

訖尙儀前承令降詣妃西北東面稱令旨妃再拜宣令

訖又再拜司賓引妃出乘車還宮如來儀

若諸王妃奉敕同朝則各

服其服先至皇太子妃車所侍隨入位在皇太子妃南

北面西上唯不升於階上外與皇太子妃同若別朝亦

皇帝正至受羣臣朝賀

并會

前一日尙舍奉御設御幄於太極殿北壁下南向鋪御

座如常守宮設羣官客使等次於東西朝堂太樂令展宮懸於殿庭設麾於殿上西階之西東向一位於樂懸東南西向鼓吹令分置十二案於建鼓之外乘黃令陳車輅尙輦奉御陳輿輦尙舍奉御設解劍席於懸西北橫街之南竝如常儀典儀設文官三品以上位於橫街之南道東褒聖侯於三品以下介公鄒公於道西武官三品以上

於介公鄒公之西少南每等異位重行北面相對爲首設文官四品五品位於懸東六品以下於橫街南每等異位重行西面北上設諸州朝集使位都督刺史及三品以上東方南方於文官三品之東重行北面西上西

通典

卷宿五

禮八十三

五

方北方於武官三品之西重行北面東上四品以下皆分方位於文武官當品之下諸州使人分方位於朝集使亦如之設諸親位於四品五品之南皇宗親在東異姓親在西設

諸方客位三等以下東方南方於東方朝集使之東每國異位重行北面西上西方北方於西方朝集使之西每國異位重行北面東上四等以下分方位於朝集使六品之下重行每等異位設典儀位於懸之東北贊者二人在南少退俱西面奉禮設門外位於東朝堂每等異位重行西面褒聖侯於三品之下介公鄒公於西朝堂之前武官於介公之南少退每等異位重行東面諸親位文武

官四品五品之南

皇宗親在東
異姓親在西

設諸州朝集使位東方

南方於宗親之南每等異位重行東面諸州使人分方

位於朝集使之下亦如之諸方客位東方南方於東方

朝集使之南每國異位重行西面北上西方北方於西

方朝集使之南東面北上其日依時刻將士填街諸衛

勒所部列黃麾大仗屯門及陳於殿庭如常儀羣官諸

親客使集朝堂皆就次各服其服侍中版奏請中嚴太

樂令帥工人入就位協律郎入就舉麾位諸侍位之官

各服其服符寶郎奉寶俱詣閣奉迎典儀帥贊者先入

就位吏部兵部主客戶部贊羣官客使俱出次通事舍

通典

卷第三

禮八十三

六

人各引就朝堂前位又通事舍人引四品以下及諸親

客使等應先置者入就位侍中版奏外辦皇帝服袞冕

冬至則服通天冠絳紗袍

御輿以出曲直華蓋警蹕侍衛如常儀皇

帝將出仗動太樂令令撞黃鍾之鐘右石鐘皆應協律

郎俯伏舉麾鼓祝奏太和之樂鼓吹振作以姑洗之均

皇帝出自西房卽御座南向坐符寶郎奉寶置於御座

如常協律郎偃麾戛敔樂止通事舍人引公王以下及

諸方客使等以次入就位

皇太子若來朝皇太子朝
出訖典謁引公王以下入

初入門舒和之樂作公至位樂止羣官客使等立定典

儀日再拜贊者承傳羣官客使等皆再拜訖通事舍人

引上公一人詣西階初行樂作至解劍席樂止公就席脫烏跪解劍置於席俯伏興通事舍人引升階進當御座前北面跪賀稱某官臣言賀詞與太子同唯稱尊號爲異賀訖俯伏

興通事舍人引降階席後上公跪著劍俯伏興納烏樂

作復橫街南位樂止羣官客使等皆再拜侍中前承詔

降詣羣官東北西面稱有制羣官客使等皆再拜宣制

曰履新之慶與公等同之冬至云履長之慶與公等同之宣訖羣官客

使等皆再拜訖舞蹈三稱萬歲訖又再拜侍中還侍位

初羣官將朝中書侍郎以諸州鎮表別爲一案俟於右

延明門外給事中以祥瑞案俟於左延明門外俱令史

通典卷第三禮八十三 七

絳公服對舉案侍郎給事中俱就侍臣班班初入戶部

以諸州貢物陳於太極門東西廂禮部以諸蕃貢物最

可執者蕃客手執入就內位其重大者陳於朝堂前初

上公將入門中書侍郎降引表案入詣西階下東面立

給事中降引祥瑞案入詣東階下西面立上公將升賀

中書令黃門侍郎俱降各立階下初上公升階中書令

黃門侍郎各取所奏之文以次升上公賀訖中書令前

跪奏諸方表訖黃門侍郎又進跪奏祥瑞訖俱降置所

奏之文於案各還侍位侍郎與給事中引案退至東西

階前案遂出侍郎給事中還侍位初侍中宣制訖朝集

使及蕃客皆再拜訖戶部尚書進階間北面跪奏

其尚書奏

仍待黃門侍郎奏祥瑞訖

稱戶部尚書臣某言諸州貢物付所司俛

伏興侍中前承制退稱制曰可尚書退復位禮部尚書

以次進詣階間北面跪奏稱禮部尚書臣某言諸蕃貢

物請付所司俛伏興侍中前承制退稱制曰可尚書退

復位侍中還侍位太府率其屬受諸州及諸蕃貢物出

歸仁納義門執物者隨之典儀曰再拜通事舍人以次

引北面位者出公初行樂作出門樂止侍中前跪奏稱

侍中臣某言禮畢俛伏興還侍位皇帝興太樂令令撞

蕤賓之鐘左五鐘皆應奏太和之樂鼓吹振作皇帝降

通典

卷宿三

禮八十三

八

座御輿入自東房侍衛警蹕如來儀侍臣從至閣樂止

通事舍人引東西面位者以次出

蕃客先出其冬至受朝則不奏祥瑞貢物

又無諸方表

會

朝訖太樂令設登歌於殿上引二舞人立於懸南面尚

舍奉御鋪羣官升殿者座文官三品以上於御座東南

西向

褒聖侯於三品之下

介公鄩公於御座西南東向武官三品

以上於介公鄩公之後朝集使都督刺史及三品以上

東方南方於文官三品之後西方北方於武官三品之

後蕃客三等以上東方南方於東方朝集使之後西方

北方於西方朝集使之後俱重行每等異位以北爲上設不升殿者座各於其位又設羣官解劍席於懸之西北橫街之南竝如常儀尙食奉御設壽罇於殿上東序之端西向設坫於罇南加爵一太官令設升殿者酒罇於東西廂近北設殿庭羣官酒罇各於其座之南皆有坫罇俱障以帷施設訖吏部兵部戶部主客贊羣官客使俱出次通事舍人各引就朝堂前位典儀帥贊者先入就位通事舍人各引升殿者次入就位侍中版奏外辦皇帝服通天冠絳紗袍冬至則不改服御輿以出曲直華蓋警蹕侍衛如常儀皇帝將出仗動太樂令令撞黃鍾之

通典

卷一百三

禮八十三

九

鐘右五鐘皆應奏太和之樂鼓吹振作皇帝出自西房卽御座南向坐符寶郎奉寶置於座如常樂止典儀一人升就東階上西面立通事舍人引公王以下及諸客使以次入就位公王初入門樂作至位樂止羣官客使

立定

若朝會日別設位贊并陳引如朝禮其日二舞與工人俱入就位

侍中進當御座

前北面跪奏稱侍中臣某言請延諸公王等升俯伏興又侍中稱制曰可侍中詣東階上西面稱制延公王等

升殿上典儀承傳階下贊者又承傳羣官客使皆再拜

侍中還位羣官拜訖通事舍人引應升殿者詣東西階

公初行樂作至解劍席樂止公王以下各脫烏跪解劍

置於席上俯伏興通事舍人接引上公一人升階少東西面立定以下各立於座後立定光祿卿進詣階間跪奏稱臣某言請賜羣官上壽俯伏興侍中稱制曰可光祿卿進詣酒罇所西面立通事舍人引上公詣酒罇所北面立尙食奉御酌酒一爵授上公公指笏受爵通事舍人引上公進到御座前北面授殿中監殿中監受爵進置御前上公執笏通事舍人引上公退北面跪稱某官臣某等稽首言元正首祚冬至云天正長至臣等不勝大

慶謹上千萬歲壽俯伏興再拜羣官客使等上下俱再拜立於席後侍中前承制退稱敬舉公等之觴羣官客

通典

卷五十三

禮八十三

十

使等上下又再拜殿中監取爵奉進近臣遞進皇帝舉酒休和之樂作羣官客使等上下皆三舞蹈稱萬歲皇帝舉酒訖殿中監進受虛爵以授尙食奉御奉御受爵復於坵樂止初殿中監受虛爵殿上典儀唱再拜階下贊者承傳羣臣客使等上下皆再拜通事舍人引上公就座後立殿上典儀唱就座階下贊者承傳羣官客使等上下俱就座俯伏坐太樂令引歌者及瑟琴至階脫履於下升就位坐其笙管者進詣西階闕北面立尙食奉御進酒至階殿上典儀唱酒至興階下贊者承傳羣官客使等上下皆俯伏起立於席後殿中監到階省酒

尚食奉御奉酒進皇帝舉酒太官令又行羣官酒酒至殿上典儀唱再拜階下贊者承傳羣官客使等皆再拜搢笏受觶殿上典儀唱就座階下贊者承傳羣官客使等上下皆就座俯伏坐飲皇帝初舉酒登歌作昭和之樂三終尚食奉御進受虛觶復於坳登歌訖降復位觴行三周尚食奉御進御食食升階殿上典儀唱食至興階下贊者承傳羣官使客等上下皆執笏俛伏起立座後殿中監到階省案尚食奉御品嘗食訖以次進置御前太官令又行羣官案

御若不食羣官案先上訖不須興

設食訖殿上

通典

卷五十五

禮八十三

七

俯伏坐皇帝乃飯休和之樂作羣官客使等上下俱飯御食畢樂止仍行酒遂設庶羞太樂令引二舞以次入

作若賜酒侍中承詔詣東階西面稱賜酒殿上典儀承傳階下贊者又承傳羣官客使等上下皆執笏俛伏起再拜搢笏立授觶就席俯伏坐飲訖俛伏起立授虛爵執笏又再拜就座酒行十二徧會畢殿上典儀唱可退階下贊者承傳羣官客使等上下皆俯伏起立席後通

事舍人引階俱詣席後跪著劍俯伏興納鳥樂作復橫街南位樂止位於殿廷者仍立於席後立定典儀曰

再拜贊者承傳羣官客使等在位者皆再拜

位於殿庭者拜於席

後若有敕賜物侍中前承制降詣羣官東北西面稱有制羣官客使等皆再拜侍中宣制訖羣官客使等又再拜通事舍人引羣官客使以次出公初行樂作出門樂止侍中前奏稱侍中臣某言禮畢俛伏興還侍位皇帝興太樂令令權蕤賓之鐘左五鐘皆應奏太和之樂鼓吹振作皇帝降座御輿入自東房侍衛警蹕如來儀侍臣從至閤樂止通事舍人引東西面位者以次出蕃客先出皇帝若服翼善冠綺褶朝集使著公服升座者服履如式若設九部樂則去樂懸無警蹕太樂令帥九部技立於左右延明門外羣官初唱萬歲太樂令卽引九部技聲作而

通典

卷五十三

禮八十三

三

入各就座以次作如式

皇帝千秋節受羣臣朝賀

并會

前三日所司供備如式前一日尙舍鋪御座內外張設竝如常御樓之儀尙舍光祿供辦如式尙食先置壽罇於樓上御座之東又置壽罇於樓前之東南

皆有棧單

其日

平曉陳引仗衛如常儀百官常服成就橫街南依東西班序立侍中版奏外辦皇帝常服御座候褰簾通事舍人引羣官詣橫街北壽罇之南俱北面中書門下及供奉官如常式立定典儀贊再拜橫街南北百官俱再拜訖尙食奉御酌壽酒以授殿中監殿中監以授侍中侍

中執酒以立殿中監受侍中之酒侍中執笏稍前跪奏稱千秋令節臣等不勝大慶謹上千萬歲壽奏訖興再拜羣官上下皆再拜內所司酌壽罇之酒以進皇帝受酒承制宣云得卿等壽酒與卿等內外同慶皇帝舉酒羣官上下又再拜三呼萬歲舞蹈又再拜訖詣座所太官令酌酒以進侍中執酒以出羣官等俱出謝酒訖就座太常卿引樂作止如常儀其橫街南羣官應有常食者引就座如式餘退羣官所獻甘露醇酎尚食等所由竝其日平曉於樓之便門奉進會畢樓上褰簾羣官各出就位立定典儀贊再拜羣官等俱再拜若臨時別有進止隨事贊相垂簾羣官退

通典

卷宿三

禮八十三

五

皇后正至受羣官朝賀

前一日尚寢率其屬設御幄座如外命婦朝儀守宮設次於宮城門外如常儀其日未明一刻諸衛各勒所部屯門列仗及陳布於肅章門外奉禮設文武羣官諸親蕃客使等衛於宮城門外如朝堂之式典儀設文武羣官位於肅章門外文東武西俱重行北面相對爲首諸親位於文武五品之下朝集使蕃客等分方位次如常設典儀贊者位於羣官東北差退西向北上又設內給事位於羣官之北南向若與外命婦同時朝則典儀位於肅章門外設羣官等版位文武羣官依時刻集列門外俱就次各服其服若與上臺同上朝賀

則上臺禮畢羣官仍朝服典謂引從納義門西行就版位尚儀奏請申嚴六尚以下

各服其服俱詣內閣奉迎典儀帥贊者先入就位典謂

引文武羣官入就位尚儀奏外辦皇后首飾禕衣以出

即御座南向坐侍御警蹕及設琮璽於御座竝如常儀

內謁者監引內給事出就南面典儀曰再拜贊者承傳

文武羣官等俱再拜典儀引為首者一人進內給事前

北面跪賀詞至正竝與賀皇帝同唯伏惟殿下與時同休為異耳賀訖俯伏興典

謁引退復位羣官等皆再拜內謁者監引內給事入依

式奏聞內給事承令出謁者監引內給事復南面位稱

令旨羣官等皆再拜內給事宣令云履新冬至云履長大慶

通典卷宿三禮八十三

五

與公等同之羣官等又再拜內謁者監引內給事入典

謁引羣官等尚儀前奏禮畢皇后降座以入侍衛警蹕

如常儀

皇后正至受外命婦朝賀并會

前二日本司宣攝內外各供其職前一日守宮設外命

婦次如常儀尚寢率其屬設御幄於皇后正殿北壁南

向又設命婦為首者脫烏席於西階前近西東向如式

司樂展宮懸之樂於殿庭設麾於殿上西階之西東向

內僕進重翟以下於肅章門外道東西向北上司贊設

命婦版位於殿庭大長公主以下在東太夫人以下在

西諸親婦女之下宗親在東異姓在西俱重行北面對爲首內

謁者設外命婦等位於肅章門外大長公主以下於道東太夫人以下於道西俱重行相向北上命婦有從夫

之爵無夫有從子之爵設司贊位於東階東南西向掌贊二人位於司贊之南差退俱西向受朝日依時刻諸

衛勒所部屯門列仗及陳布於肅章門外如常儀外命婦等依時刻集到宮門外至下車所道西東向以車爲

次北上車次定命婦等皆降車內典引引之次各服其服尙儀奏請中嚴宮官侍衛者皆朝服司寶奉琮寶依

式俱詣內閣奉迎司樂帥女工人入就位典樂升就舉

通典

卷一百三

禮八十三

五

麾位司贊先入就位內典引引命婦俱就肅章門外位尙儀奏外辦皇后首飾禕衣以出警蹕如常儀皇后出

自西房典樂舉麾奏正和之樂卽御座南向坐司寶奉琮寶置於御座如常偃麾樂止凡樂皆典樂舉麾工鼓

後止司賓承引命婦以次入就位爲首者初入門舒和樂作至位樂止命婦等立定司贊曰再拜掌贊承傳外命

婦皆再拜司賓引爲首者一人詣西階爲首者初行樂作至階樂止爲首者脫烏升進當御座前北面跪賀稱

妾姓等言賀詞與羣官同賀訖起司賓引爲首者降階納烏樂

作復位立定樂止司贊者曰再拜掌贊承傳外命婦等

皆再拜司言承前令降自西階詣命婦西北東面稱令
旨外命婦等皆再拜宣令曰履新之慶冬至云履長之慶夫人
等同之司贊者曰再拜掌贊承傳外命婦等皆再拜司
賓以次引出爲首者初行樂作出閣樂止內典引承引
以出尙儀前奏禮畢還侍位皇后降座樂作入自東房
侍衛警蹕如來儀樂止女工人退

會

朝訖尙寢帥其屬鋪外命婦等之座於殿上大長公主
以下於御座東南重行西向太夫人以下於御座西南
重行東向設不升殿者座席於東西廊下皆如上儀又

通典

卷一百一十五

禮八十三

六

量設脫履席於東西階下尙食設壽罇於殿上東序之
端西向有坫罇一於罇下設升殿者酒罇於東西廊下
近北設廊下者酒罇各於其座之南皆有坫罇俱障以
帷設訖司樂帥諸樂人就位內典引引外命婦俱詣肅
章門外位尙儀奏外辦皇后首飾禕衣以出警蹕侍衛
如常儀皇后出自西房典樂舉麾正和之樂作卽御座
南向坐司寶奉琮寶置於御座如常儀偃麾樂止司賓
承引外命婦以次入就位爲首者初入門樂作至位樂
止外命婦立定若朝會別日贊拜如朝禮司言前承令降詣命婦西
北東向稱令旨夫人等升席座司贊曰再拜贊者承傳

外命婦等皆再拜訖司賓引外命婦應升殿者詣東西階樂作爲首者至階樂止俱就席脫舄於階下以升司賓引爲首者一人升階近東西面立以下各就席後立司賓引不升殿者詣東西廊下席後立上下立定司賓引爲首者詣酒罇所北面立尙食酌酒一爵以授爲首者司賓引爲首者至御座前北向授尙食尙食受爵進置御座前司賓引爲首者退北面爲首者跪奏稱妾姓等言元正首祚冬至云天正長至妾等不勝大慶謹上千萬歲壽興再拜外命婦等皆再拜訖司言前承令宣令云令旨夫人等同納景福外命婦等又再拜尙食取爵奉進

通典

卷一百三

禮八十三

七

皇后舉酒樂作外命婦等皆三稱萬歲皇后舉酒訖尙食受虛爵復於坵樂止司贊曰再拜掌贊承傳外命婦等皆再拜司賓引爲首者就席後立司贊曰就座掌贊承傳外命婦等俱就位尙食進酒至階司贊曰酒至興掌贊承傳外命婦等俱興立席後尙儀至階省酒尙食奉酒進皇后舉酒樂作如常又行外命婦酒酒至司贊曰再拜掌贊承傳外命婦等俱再拜受觶司贊曰就座掌贊承傳外命婦等俱就座坐飲皇后舉酒訖尙食受虛爵復於坵樂止觴行三周尙食奉御食食升階司贊曰食至興掌贊承傳外命婦等皆起立席後尙食至階

省案尚食品嘗食訖以次進置御前又行命婦案

御若不食

外命婦案先上訖不須興

設食訖司贊曰就座掌贊承傳外命婦等

皆就席坐皇后飯樂作外命婦等俱飯御食畢樂止仍行酒遂設庶羞諸技以次作若賜酒司言前承令詣東階上西向稱賜酒階下掌贊承傳外命婦等皆起再拜立受解坐飲訖起立授虛解又再拜就席坐酒行十二徧會畢司贊曰可起掌贊承傳外命婦等皆起立席後司賓引降各納舄樂作俱引復階下位樂止其廊下者仍立於席後立定司贊曰再拜掌贊承傳外命婦等在位者皆再拜若有束帛則尚功帥其屬以束帛先立於

通典

卷五十五

禮八十三

六

東西廂司言前承令降自西階詣命婦西北東面稱令旨外命婦等皆再拜宣令訖外命婦等又再拜尚功帥其屬以次受束帛訖外命婦等又再拜司賓引命婦等以次出樂作出門樂止內典引承引次出尚儀前奏禮畢遂還侍位皇后降座樂作入自東房警蹕侍衛如來儀樂止

唐 京 兆 杜 佑 君 卿 纂

禮八十四 開元禮纂類十九 嘉三

皇帝於明堂讀五時令

陳設

禮部尙書先讀令三日奏讀月令承以宣告前三日尙

舍直長施大次於青龍門外道北南向仲春於青陽太廟季春於青陽

右个孟夏於朱雀門外道東西向仲夏於明堂太廟季

夏於明堂右个孟秋於白虎門外道北南向仲秋於總

章太廟季秋於總章右个孟冬於元武門外道西東向

仲冬於元堂太廟季冬於元堂右个尙舍奉

御設御座守宮設文武官次於大次之後文官在左武

官在右俱南向夏俱西向秋俱北向冬俱東向設羣官次於璧水東門

之外夏南門之外秋西門之外冬北門之外文官在北夏在東秋在西武官

在南夏在西秋在東俱西上夏北上秋東上前一日尙舍奉

御設御幄座於青陽左个仲春於青陽太廟季春於青陽右个孟夏於明堂左个仲

夏於明堂太廟季夏於明堂右个季夏土王日讀土令

於太廟太室孟秋於總章左个仲秋於總章太廟季秋

於總章右个孟冬於元堂左个仲近西東向夏近北南

冬於元堂太廟季冬於元堂右个向秋近東西向冬近

官於御座東北南向夏東南西向秋西南武官於御座

東南北向夏西南東向秋西北俱重行西上夏北上秋

上無長官者次官南向冬東北西向設刑部郎中讀令座於御座東南北

一人升判官不合

通典 卷一百二十四 禮八十四 一

向有案夏西南向東向秋西北設文官解劍席於丑陞之

左仲春於寅陞之左季春於卯陞之左孟夏於辰陞之

之左仲夏於巳陞之左季夏於午陞之左孟秋於未陞之

戌陞之左仲冬於亥陞之左季冬於子陞之左孟春於丑陞之

官解劍席於卯陞之右仲春於辰陞之右季春於巳陞之

未陞之右季夏於申陞之右孟夏於午陞之右仲夏於

戌陞之右季秋於亥陞之右孟秋於子陞之右仲秋於

丑陞之右季冬皆內向太樂令展宮懸於青陽左个之

庭仲春於青陽太廟之庭季春於青陽右个之庭孟夏

堂於明堂左个之庭仲夏於明堂太廟之庭季夏於明

孟秋於總章左个之庭仲秋於總章太廟之庭季秋於

總章右个之庭孟冬於元堂左个之庭仲冬於元堂右个之庭設舉麾位

於堂上寅陞之南北向仲春於堂上卯陞之南季春於

堂上巳陞之西仲夏於堂上午陞之西季夏於堂上未

陞之西俱東向孟秋於堂上申陞之北仲秋於堂上酉

陞之北季秋於堂上戌陞之北俱南向孟冬於堂上亥

陞之東仲冬於堂上午陞庭下之東季冬於堂上丑陞

庭下之東一位於樂懸東北南向夏於樂懸東南西南向

冬於樂懸典儀設三品以上及應升堂者位於懸東夏

西北東向懸南秋於懸文左武右俱重行西向夏北向南向相對

為首設非升堂者位文官四品五品於懸北夏懸東秋

西六品以下於其東夏於其南秋於其北絕位俱南向夏俱

秋俱北向武官四品五品於懸南北冬懸東六品以

下於其東夏於其南秋於其北當文官俱北向夏東向南

皆重行西上夏北上秋東設典儀位於懸之西北夏於

通典

卷宿言

禮八十四

二

北秋於懸東南贊者二人在東差退俱南向夏俱西向

冬於懸西南冬俱奉禮設門外位各於次前俱每等異位重行相向秋俱北向

西上夏北上秋東上冬南上

變駕出宮

前出宮三日本司宣攝內外各供其職守宮設從駕之

官五品以上次於承天門外東西朝堂如常前二日太

樂令設宮懸之樂於殿庭如常儀其日未明七刻搃一

鼓為一嚴三嚴時節前一侍中奏開宮殿門及城門未

明五刻搃二鼓為再嚴侍中版奏請中嚴奉禮設從駕

羣官五品以上位文官於東朝堂之前西向武官於西

通典

卷一百一十五

禮八十四

三

朝堂之前東向俱重行北上從駕羣官五品以上俱朝

堂次各服其服其六品以下並從發駕之前先赴朝堂所俱就次各服其服所司陳

小駕鹵簿未明二刻搃三鼓為三嚴諸衛之屬各督其

隊與鈸戟以次入陳於殿庭謁者引從駕羣官各就朝

堂位諸侍衛之官各服其器服侍中中書令以下俱詣

西閣奉迎侍中奉寶如式乘黃令進金輅於西閣外南向千牛

將軍一人執長刀立於輅前北向黃門侍郎一人在侍

臣之前贊者二人又在黃門之前侍中版奏外辦太僕

卿奮衣而升正立執轡皇帝服通天冠青紗袍夏絳紗季夏土

王之日黃紗秋佩蒼玉夏佩赤玉季夏土王之日佩御白紗冬黑紗黃玉秋佩白玉冬佩元玉

與以出曲直華蓋警蹕侍衛如常儀皇帝將出仗動太
樂令令撞黃鍾之鐘右五鐘皆應協律郎跪俛伏舉麾
鼓祝奏太和之樂千牛將軍前執轡皇帝升輅太僕卿
立授綏侍中中書令以次侍如常儀黃門侍郎進當鑾
駕前跪奏稱黃門侍郎臣某言請鑾駕發引俛伏興退
復位凡黃門侍郎奏請皆進當鑾駕鑾駕動又稱警蹕
黃門侍郎與贊者夾引以出千牛將軍夾輅而趨駕至

太極門偃麾夏啟樂止出太極門鼓祝奏采茨之樂出
嘉德門夏啟樂止凡樂皆協律郎舉麾工鼓祝至順天

門外於明堂讀令則至承天門侍臣上馬所黃門侍郎奏請鑾駕權

通典卷一百一十四禮八十四 四

停敕侍臣上馬侍中前承詔退稱制曰可黃門侍郎皆
上馬諸侍衛之官各督其屬左右翊駕在黃麾內符寶
郎奉六寶與殿中監後部從侍中中書令以下夾侍於
輅前贊者在奉供官人內侍臣上馬畢黃門侍郎奏稱
請敕車右升侍中前承制退稱詔曰可黃門侍郎退復
位千牛將軍升訖黃門侍郎請鑾駕發引退復位鑾駕
動稱警蹕鼓傳音如常鼓吹振作而行其從駕之官在
元武隊如常儀

讀令

其日依時刻諸衛勒所部屯門列仗及青陽左个之庭

如常仲春青陽太廟之庭季春青陽右个之庭孟夏明堂左个之庭仲夏明堂太廟之庭季夏明堂右个之庭孟秋總章左个之庭仲秋總章太廟之庭季秋總章右个之庭孟冬元堂左个之庭仲冬元堂太廟之庭季冬元堂先置羣官俱集次各服其服駕將至典謁各

引先置羣官俱就門外位駕至大次門外廻輅南向千牛將軍降立於輅右侍中進當鑾駕前跪奏稱侍中臣某言請降輅俛伏興還侍位皇帝降輅御輿之大次繖扇華蓋侍衛警蹕如常儀典謁引文武五品以上從駕之官皆就門外位太樂令帥工人入就位協律郎入就舉麾位典儀帥贊者先入就位典謁引羣官非升座者入就位刑部郎中以月令置於案覆以帊令史二人俱

通典

卷宿五

禮八十四

五

絳公服對舉案立於武官五品以上東南郎中立於案

後北面

夏令史對舉案於五品武官西南郎中立於案後東面秋於五品武官西北郎中立於案後南

面冬於武官東北郎中立於案後西面

侍中版奏外辦皇帝御輿出次曲

直華蓋侍衛警蹕如常儀入自青龍門

夏入自朱雀門秋入自白虎門

冬入自元武門

皇帝初入門太樂令令撞蕤賓之鐘左五鐘皆

應鼓祝奏太和之樂皇帝升自寅陛

夏升自己陛秋升自申陛冬升自亥

陛入卽御座東向坐

夏南向坐秋西向坐冬北向坐符寶郎奉寶置於

御座侍臣夾侍如常儀夏啟樂止典儀一人升立於左

个東北南向

夏東南南向秋西南北向冬西北東向

典謁引公王以下入

就西面位

夏北面位秋東面位冬南面位

上公初入門舒和之樂作公

行皆作舒 公至位樂止羣官立定典儀曰再拜贊者承

和之樂 傳凡典儀有詞贊者皆承傳在位者皆再拜侍中前跪奏稱侍中臣

某言請延公王等升俯伏興又侍中稱制曰可侍中詣

左个東北南面夏東南西面秋西南北面冬西北東面稱詔延公王等升

俯伏興又侍中典儀承傳堂下贊者又承傳在位皆再

拜典謁者以次引西面位者夏典謁引北面位者秋引東面位者冬引南面位者

各詣其階公初行樂作至解劍席樂止公王以下俱升

席跪解劍俯伏興脫烏通事舍人各引升立於座後刑

部郎中奉案進立於卯陛下侍中跪奏請讀月令俯伏

興侍中稱有制曰可侍中退復位刑部郎中再拜就解

通典卷第三禮八十四 六

劍席跪解劍俯伏興脫烏取令持案者仍立於下通事

舍人引刑部郎中奉令升自卯陛夏升自午陛秋升自酉陛冬升自子陛

詣席南北向位跪夏席西東南秋席北南向冬席東西向置令於案俯伏

興立於席後堂上典儀唱就座公王以下及刑部郎中

竝就座俯伏興坐刑部郎中讀令每句一絕使言聲可

了讀令訖堂上典儀唱可起公王以下及刑部郎中以

令置於案與羣官俱跪佩劍俯伏興納烏典謁各引還

本位公初行樂作至位樂止立定典儀曰再拜在位者

皆再拜典謁引西面位者出夏北面秋東面冬南面公初行樂作

出門樂止侍中跪奏稱侍中臣某言禮畢俛伏興還侍

位皇帝興太樂令令撞黃鍾之鐘在五鐘皆應太和之樂作皇帝降座御輿出之便次警蹕侍衛如來儀出門樂止典謁引南北面位者以次出

夏引東西面秋引南面冬引西東面

春令

其文具小戴禮篇故不繁載

鑾駕還宮

皇帝既還大次持節版奏請解嚴

將士不得輒離部位

皇帝停大

次一刻頃搃一鼓爲一嚴轉仗衛位於還塗如來儀三刻頃搃二鼓爲再嚴將士布隊仗侍中版奏請中嚴五刻頃搃三鼓爲三嚴謁者贊引各引羣官序立於次前文武侍臣詣大次奉迎乘黃令進金輅於大次門外南

通典

卷一百一十四

禮八十四

七

向夏北向南西向冬東向

千牛將軍立於輅右侍中版奏外辦太

僕卿升執轡皇帝御輿出次繖扇侍衛警蹕如常儀皇

帝升輅太僕卿立授綬黃門侍郎奏稱鑾駕發引退

復位鑾駕動稱警蹕如來儀黃門侍郎贊者夾引千牛

將軍夾輅而趨至侍臣上馬所黃門侍郎奏稱請鑾駕

權停敕侍臣上馬侍中前承詔退稱制曰可黃門侍郎

退稱侍臣上馬贊者承傳文武侍臣皆上馬訖黃門侍

郎奏稱請敕車右升侍中稱制曰可黃門侍郎退復位

千牛將軍升訖黃門侍郎奏稱請鑾駕發引退復位鼓

傳音鑾駕動鼓吹振作而還文武羣官皆從如來儀鑾

駕至承天門外侍臣下馬所鑾駕權停文武侍臣皆下馬千牛將軍降立於輅右訖鑾駕動千牛將軍夾輅而趨駕入嘉德門太樂令令撞蕤賓之鐘左五鐘皆應鼓祝奏采茨之樂至太極門夏啟樂止入太極門鼓祝奏太和之樂駕至橫街北當東閣迴輅南向侍中進當鑾駕前跪奏稱臣某言請降輅俛伏興還侍位皇帝降輅御輿以入繖扇侍衛驚蹕如常儀侍臣從至閣夏啟樂止初文武羣官至朝堂通事舍人承旨敕羣官竝還皇帝既入侍中版奏請解嚴叩鉦將士各還其所

皇帝於太極殿讀五時令

通典

卷一百一十五

禮八十四

八

禮部尚書先讀令三日奏讀時令承以宣告前一日尙舍奉御設御幄座於太極殿北廂南向尙舍直長設一品以下五品以上及諸司長官座於殿上文東武西重行相向北上

無長官者次官一人升判官不合

設刑部郎中讀令座於

御座西南東向有案去御座二丈設解劍席於東西階下如常儀太樂令展宮懸於殿庭設舉麾位於殿西階之東西向一位於樂懸東南西向竝如朔朝之儀典設文武三品以上及應升殿者位於南橫街之南道東設武官位於道西俱每等異位重行北向相對爲首非升殿者位於殿庭文東武西如常設典儀位於北橫街之

南贊者二人在南差退俱西向奉禮設門外位文官於東朝堂近南西面武官於西朝堂近南東面每等異位重行北上俱依時刻諸衛勒所部屯門列仗及陳於殿庭如常文武官依時刻集朝堂俱就便次各服其服侍中量時版奏請中嚴鉞戟近仗入陳於殿庭太樂令帥工人入就位協律郎就舉麾位諸侍衛之官入服其器服符寶郎奉寶詣閤奉迎典儀帥贊者入就位典謁引羣官各就門外位刑部郎中以時令置於案覆以帊令史二人俱公服對舉案立於右延明門內道北郎中立於案後東面典謁者引非升殿者入就位侍中版奏外

通典

卷一百一十五

禮八十四

九

辦皇帝服通天冠絳紗袍御輿出自西房曲直華蓋警蹕侍衛如常儀皇帝將出仗動太樂令令撞黃鍾之鐘右五鐘皆應協律郎跪俯伏舉麾鼓祝奏太和之樂皇帝出自西房即御座南向坐符寶郎奉寶置於御座如常儀偃麾夏啟樂止典儀一人升就東階上西面立侍臣夾侍如常儀典謁引公王以下入就北面位公初入門舒和之樂作至位樂止羣官立定典儀曰再拜贊者承傳在位者皆再拜侍中前跪奏稱侍中臣某言請延公王以下等升俛伏興又侍中稱制曰可侍中詣東階上西向稱詔延公王等升殿上典儀承傳階上贊者又

承傳在位者皆再拜典謁以次引北面位者詣東西階
公初行樂作至解劍席樂止公王以下俱升席跪解劍
俛伏興脫舄通事舍人以次引升殿者立於座後刑部
郎中引案進立於西階下侍中跪奏請讀時令俯伏興
又侍中稱制曰可侍中退復位刑部郎中再拜就解劍
席跪解劍俯伏興脫舄取令持案者仍立於階下通事
舍人引刑部郎中奉令升自西階詣席西東向跪置令
於案俯伏興立於席後殿上典儀唱就座公王以下及
刑部郎中竝就座俛伏興刑部郎中讀令每句一絕使
言聲可了讀令訖殿上典儀唱可起公王以下皆起通

通典

卷宿五

禮八十四

十

事舍人引公王以下及刑部郎中退降刑部郎中以令
置於案興羣官俱跪佩劍俯伏興納舄典謁各司還本
位典儀曰再拜在位者皆再拜典謁引北面位者出持
令案者自右延明門而出侍中跪奏稱侍中臣某言禮
畢俛伏興還侍位皇帝興太樂令令撞蕤賓之鐘左五
鐘皆應太和之樂作皇帝降座御輿入自東房警蹕侍
衛如來儀從至閤樂止典謁引東西面位者以次出
讀令與春令同讀秋令與冬令同設刑部郎中讀令座於
御座東南西向令案立於右延明門內道北郎中立於
案後西面升降自東
階餘與讀春令同 皇帝若御翼善冠則羣官皆袴褶
服陳解劍席若不設樂懸去警蹕

皇帝養老於太學

陳設

前三日尚舍直長設大次於學堂之後隨地之宜設三老五更次於學堂南門外之西羣老次於其後俱東向設羣官次文官於門外之東重行西向武官於羣老之西重行東向皆北上前一日尚舍奉御設御座於堂上東序西向莞筵紛純加藻席畫純次席黼純設三老座於西楹之東近北南向設五更座於西階上東向設國老三人座於三老座西階不屬焉皆莞筵紛純加藻席畫純設衆國老座於堂下西階之西東面北上皆蒲筵

通典

卷宿三

禮八十四

七

緇布純加莞席元帛純

若三品以上則莞筵紛純加藻席畫純凡五品以上致仕者為

國

設庶老座於國老座後皆蒲筵緇布純

六品以下致仕者為庶老

太樂令展宮懸於學堂之庭設登歌於堂上及舉麾位等皆準元會之儀典儀設文官五品以上位於懸東六品以下在其南俱重行西向北上武官五品以上位於懸西六品以下在其南當文官俱重行東向北上蕃客分方位於文武官六品之南

若有諸州使人分方位學於文武官九品之後

生分位於文武官之後奉禮設門外位如設次之式尚舍奉御設罇於東楹之西北向左元酒有坫以置爵

鑾駕出宮

如前讀令儀

養老

仲秋之月擇吉辰皇帝親養三老五更於太學所司先
奏定三師三公致仕者用其德行及年高者一人爲三
老次一人爲五更尙食先具牢饌鑾駕將至通事舍人
引先置之官皆就門外位學生俱青襟服入就位鑾駕
至太學門廻輅南向侍中跪奏請降俛伏興皇帝降輅
乘輿入大次繖扇侍衛如常通事舍人引文官五品以
上從駕之官皆就門外位太樂令帥工人二舞就位如
正會之禮通事舍人引羣官客使入就位鑾駕出宮量
時刻遣使迎三老五更於其第三老五更俱服進賢冠

通典

卷宿五

禮八十四

三

乘安車前後導從如常禮其國老庶老則有司先戒之
鑾駕既至太學三老五更及羣老等俱赴集其次羣老
各服其服太常少卿贊三老五更俱出次引立於學堂
南門外之西東面北上奉禮贊羣官出次引立於三老
五更之後太常博士引太常卿升立於學堂北戶之內
當戶北向侍中版奏外辦皇帝出戶侍衛如常侍中負寶陪從
如殿中監進大珪皇帝執大珪博士引太常卿太常卿
式如殿中監進大珪皇帝執大珪博士引太常卿太常卿
引皇帝每太常卿前導皆博士先引協律郎跪俛伏舉麾太和之樂

作皇帝降迎三老於門內之東西面立侍臣從立於皇
帝之後太常卿與博士退立於左皇帝立定樂止三老

五更皆杖各二人夾扶左右太常少卿引道敦史執筆以從三老入門和舒之樂作三老五更立於門西東面北上奉禮引羣官隨入立於其後初三老立定樂止太常卿前奏請再拜退復位皇帝再拜三老五更去杖攝齊以答再拜畢皇帝揖進三老在前五更從仍杖夾扶入初至階皇帝揖升俱就座後揖立樂止侍衛文官量人從升皇帝西面再拜三老三老南面答再拜皇帝西面再拜五更五更答再拜休和之樂作三老五更俱坐三公授几九卿正履訖殿中監尙食奉御進珍羞及黍稷等皇帝省之遂設於三老前樂止太常卿引皇帝詣三老座前執醬而饋訖太常卿引皇帝詣酒罇所取爵侍中贊酌酒訖太常卿引皇帝進執爵而酌尙食奉御以次進珍羞酒食於五更前國老庶老等皆坐又設酒食於國老庶老前國老庶老等皆食皇帝卽座太樂令引工升奏韶和之樂三終三老乃論五孝六順典訓大綱格言宣於上惠音被於下皇帝乃虛躬請受敦史執筆錄善言行事終二舞坐於懸中訖禮畢三老以下降筵太常少卿及奉禮引導皆如初太常卿引皇帝從以降階太和之樂作皇帝逡巡立於階前樂止三老五更出舒和之樂作太常卿引皇帝升立於階上三老五更

出門樂止侍中前奏禮畢退復位太常卿引皇帝降還
大次三老五更升安車導從而還通事舍人引羣官及
學生等以次出明日三老詣闕表謝

鑿駕還宮 如前讀令儀

通典

卷一百二十四

禮八十四

十四



通典卷第一百二十四

通典卷第一百二十五

唐 京 兆 杜 佑 君 卿 纂

禮八十五 開元禮纂類二十 嘉四

臨軒冊命皇后

卜日告圓丘方丘太廟以上竝有司行事如常告儀

臨軒命使

將行冊禮所司奏請太尉爲使司徒爲副前一日尙食奉御設御幄於太極殿庭陳設樂懸內外官次侍衛警蹕竝如納后儀皇帝將出仗動太樂令撞黃鍾之鐘右五鐘皆應協律郎跪俯伏興舉麾鼓祝奏太和之樂

通典

卷百二十五

禮八十五

一

鼓吹振作皇帝出自西房卽御座南向坐符寶郎奉寶置於御座如常樂止通事舍人引冊使副入就位太尉初入門舒和之樂作至位樂止立定典儀唱曰再拜贊者承傳命羣官在位者皆再拜侍中前承制降詣使者東北西面稱有制冊使再拜侍中宣制曰冊某氏爲皇后命公等持節展禮宣制訖又俱再拜侍中還侍位黃門侍郎持節西面授太尉太尉受付主節立於使後黃門侍郎退中書侍郎引冊案及琮璽綬案立於冊使東北面中書侍郎取璽持案者退自使後立於太尉之左西面授太尉受冊置於案持案者退立於使者後中書侍郎又取琮璽

綬以授太尉太尉受置於案皆如受冊之儀中書侍郎退典儀曰再拜贊者承傳羣臣在位者皆再拜通事舍人引冊使出持節者前導持案者次之太尉初行樂作出門樂止侍中前奏稱侍中臣某言禮畢俯伏興還侍位皇帝降座侍衛警蹕如來儀入自東房樂止通事舍人引羣官在位者以次出

皇后受冊

前一日守宮於肅章門外道西近南隨便設太尉司徒等次東向北上又於命婦朝堂設外命婦次如常尙寢率其屬於皇后正殿設御幄座南向又設皇后受冊位

通典

卷五十五

禮八十五

二

於殿庭階閒北向又設命婦等脫烏席於西階前近西東向司樂展宮懸之樂於殿庭設麾於殿上西階之西東向竝如常儀內僕進重翟以下於肅章門外道東西向以北爲上其日依時刻諸衛勒所部屯門列仗及陳布於皇后殿正南門之外如常儀典儀設冊使位於肅章門外之西東向北上設內侍位於使副之南舉冊案及琮璽綬者又在南差退俱東向又設內給事位於北廂南向又設內謁者監位於其東南南向內謁者設外命婦位於命婦朝堂分左右廂大長公主以下在東太夫人以下在西竝每等異位重行南向以北爲上司贊

設內命婦及內官非供奉者位於受冊正殿之庭東廂
西向重行北上又設內命婦等朝位於殿庭御道左右
近南大長公主以下在道東北面西向太夫人以下在
道西每等異位重行北面以東爲上又設司贊位於東
階東南典贊二人在南差退俱西向內侍版奏皇后請
中嚴外命婦依時刻俱赴集朝堂次各服其服內謁者
監先置二案於肅章門外近限太尉司徒既受命出至
朝堂俱乘輅備鹵簿鼓吹持節如式其冊琮璽綬各以
油絡網犢車載而行內侍之屬與所司守掌之至永安
門外降輅謁者引入持節者前導持案者次之掌次者

通典

卷一百五

禮八十五

三

俱引入次內典引引外命婦就朝堂位司樂工人入就
位典樂升就舉麾位司贊帥典贊者先就殿廷位內典
引各引外命婦兩行俱以次進至肅章門司賓接引進
入立於皇后正殿閣外如朝堂之位謁者引太尉就肅
章門外持節者立於太尉之北少退東面內謁者監引
內給事就南面位內謁者監退復位內命婦等應陪列
者各服其服司賓引就陪列位尙儀版奏外辦皇后首
飾禕衣司言引尙宮尙宮引皇后出自正殿西房侍衛
警蹕如常儀首飾禕衣所司先進典樂舉麾奏正和之樂凡樂皆典樂舉
麾鼓祝而後作偃皇后至兩楹間南向立定樂正初內
麾戛鼓而後止

給事既就南面位太尉進內給事前北面跪稱太尉封
臣某司徒封臣某奉制授皇后備物典冊訖俯伏興復
位內謁者監引內給事詣肅章門傳告司言司言入詣
皇后前跪奏訖興還侍位初司言入奉冊琮璽綬者以
次進當司徒前司徒取冊琮璽綬以次進授太尉舉案
者以次退司徒授訖退復位內侍進太尉前西面以次
受冊琮璽綬東面授內謁者監量以內謁者
等助舉之退復位內

謁者監持冊琮璽綬等進立於肅章門外跪置冊琮璽
綬於案俯伏興初司言奏訖尙儀贊皇后降司言引尙
宮尙宮引皇后初行樂作立定樂止初皇后將降又尙

通典

卷一百一十五

禮八十五

四

宮詣門取冊尙服詣門跪取琮璽綬興進俱入立於皇
后之右西向司言司寶各一人進立於皇后之左少前
東向尙宮稱有制尙儀贊皇后再拜尙宮宣冊訖尙儀
又贊皇后再拜尙宮奉冊進授皇后皇后受以授司言
尙服又奉琮璽綬以次授皇后皇后以授司寶訖尙儀
贊皇后升座皇后御輿繖扇侍衛如常皇后升初行樂
作卽御座南向坐司寶奉琮璽置於御座樂止司寶引
內命婦等陪列者以次進就北面位爲首者初行典樂
舉麾舒和之樂作至位樂止司贊曰再拜掌贊承傳內
命婦皆再拜司寶引爲首者一人詣西階初行樂作至

階樂止爲首者脫舄升進當御座前北面跪奏某妃妾
姓等言伏唯殿下坤象配天地昭厚載凡厥兆庶不勝
慶躍訖起司賓引爲首者自西階降納舄樂作復位樂
止司贊曰再拜掌贊承傳內命婦等皆再拜司言前承
令降自西階詣內命婦西北東面稱令旨內命婦等皆
再拜宣令訖在位者又再拜司贊曰再拜典贊承傳在
位者皆再拜司賓以次從隨使出門各還其寢爲首者
初行樂作至門樂止司賓又引外命婦以次入爲首者
初入門舒和之樂作至位樂止立定司贊曰再拜掌贊
承傳外命婦等皆再拜訖司賓引爲首者一人進升奉

通典

卷五

禮八十五

五

賀復位拜樂止及宣令拜拜辭等皆如內命婦之儀訖
引出首者初行樂作出門樂止司言又奏羣官賀訖尙
儀跪奏稱尙儀妾姓言禮畢還侍位皇后降座樂作御
輿入自東房侍衛警蹕如常儀樂止女工人退冊命使
者乘輅詣朝堂降車所降輅入至太極殿庭大橫街南
御道東北面西上立中書令於太極殿東北西面太尉
等再拜復命曰奉制授皇后備物典冊禮畢又再拜中
書令奏聞太尉等進鹵簿幡節等還本司

皇后受羣臣賀

皇后表謝

朝皇太后

皇帝會羣臣

羣臣上禮

皇后會外命婦

皇后廟見 右竝如納后儀

臨軒冊命皇太子

卜日告圓丘告方丘廟竝有司行事如常儀

臨軒冊命

前一日尚舍奉御設御幄座於太極殿北壁下南向守

宮設皇太子次於東朝堂之北西向設羣官次於東西

通典

卷第五

禮八十五

六

朝堂太樂令展宮懸於殿庭又設舉麾位於上下鼓吹

令設十二案於建鼓之外乘黃令陳車輅尚輦奉御陳

輿輦竝如常儀設皇太子版位於橫街之南道東北向

設羣官版位文官一品以下五品以上於懸東六品以

下於橫街之南俱西面北上武官一品以下五品以上

於懸西六品以下橫街之南俱東面諸親於五品以上

之南 皇宗親於東異姓親於西蕃客分方於六品以下之南皆以北

為上竝如常儀 若有朝集使分方於武官當品之下設諸州人分方於朝集使九品之後設

典儀位於懸之東北贊者二人在南少退俱西向奉禮

設門外位皆如元日之儀其日皇太子日未出前二刻

宮官應從者俱服其服諸衛勒所部陳設如常儀左庶子版奏請中嚴諸衛之官各服其器服詣閤奉迎僕進人在侍臣之前贊者二人又在中正之前左庶子版奏外辦僕奮衣而升正立執轡皇太子具服遠遊冠若未冠則雙童髻絳紗袍升輿以出左右侍衛如常左內率前執轡

皇太子升輅僕立授綏左庶子以下夾侍如式贊善進

當輅前跪奏稱贊善臣某言請發引俛伏興退復位凡贊

善奏請皆進當輅前跪稱具官臣某言訖俯伏興輅動贊善與贊者夾引以出

左右內率夾輅而趨至侍臣上馬所贊善稱請輅權停

通典 卷百五 禮八十五 七

令侍臣上馬左庶子前承令退稱令曰諾贊善稱侍臣

上馬贊者承傳文武侍臣皆上馬左庶子以下夾侍於

輅前贊者在供奉官人內侍臣上馬畢贊善稱請令車

右升左庶子前承令退稱令曰諾贊善退復位左內率

升訖贊善奏稱請發引退復位皇太子輅動三師乘車

訓導三少乘車訓從鳴鑣而行文武宮臣皆乘車以從

至下車所鑣吹止至次前廻輅西向內率降立於輅右

左庶子進當輅前跪奏稱左庶子臣某言請降俯伏興

還侍位皇太子降輅舍人引皇太子就便座侍衛如常

儀其日夜時刻諸衛勒所部列黃麾仗屯門及陳殿庭

如常儀羣官諸親客使等依時刻俱集朝堂次各服其服侍中版奏請中嚴鉞戟近仗入陳於殿庭太樂令帥工人入就位諸侍衛之官各服其器服符寶郎奉寶俱詣閣奉迎通事舍人引羣官客使各就朝堂前位典儀帥贊者先入就位舍人各引羣官客使以次入就位皇太子出次舍人引皇太子三師三少導從如式入立於殿外之東西面

諸衛率左右舍人及近侍者量人從人

黃門侍郎以冊及

寶綬各置於案皆令史二人絳公服對舉案立於門內道北西面冊案於北中書侍郎立於案後侍中版奏外辦皇帝服袞冕服御輿以出曲直華蓋警蹕侍衛如常

通典

卷一百五

禮八十五

八

皇帝將出仗動太樂令撞黃鍾之鐘右五鐘皆應協律

郎俯伏興舉麾鼓祝奏太和之樂鼓吹振作皇帝出自

西房卽御座南向坐符寶郎奉寶置於御座如常協律

郎偃麾戛敔樂止舍人引皇太子入就位

三師三少以下從入者立

於太子東南西面北上

皇太子初入門舒和之樂作至位樂止典

儀曰再拜贊者承傳皇太子再拜典儀曰再拜羣官在位者皆再拜中書令降立於皇太子東北西面中書侍

郎一人引冊案又中書侍郎一人引璽綬案進立於中

書之南少退俱西面中書侍郎取冊授中書令退復位

中書令稱有制皇太子再拜讀冊訖皇太子再拜進受

冊退授左庶子中書侍郎取璽綬進授中書令皇太子
又進受璽綬授左庶子中書令以下還侍位持案者以
案退典儀曰再拜皇太子再拜典儀又曰再拜羣官在
位者皆再拜舍人引皇太子出初行樂作出門樂止侍
中跪奏稱侍中臣某言禮畢俛伏興還侍位皇帝與太
樂令令槿蕤賓之鐘左五鐘皆應鼓祝奏太和之樂鼓
吹振作皇帝降座御輿入自東房侍衛警蹕如常儀侍
臣從至閣樂止通事舍人引羣官在位者以次出

蕃客
先出

朝皇后

前一日所司設皇太子次於永安門外之西東向周以

通典

卷一百五

禮八十五

九

行帷鋪座如式又設三師三少等便座於西南東向北
上其日諸衛各勒所部屯門列仗及陳布於皇后正殿
南門之外皇太子將至尙儀版奏請中嚴皇太子受冊
訖舍人引皇太子三師三少導從及餘侍衛皆如常儀
詣皇后所御之殿閣外道東西面立六尙以下各服其
服俱詣皇后內閣奉迎尙儀版奏外辦皇后首飾禕衣
御輿以出卽御座南向坐侍衛如式內謁者監引皇太
子至肅章門

其侍衛之官
並立於門外

司賓承引皇太子立於庭北

面立定皇太子再拜訖司賓引皇太子至閣內謁者監

承引以出舍人引之次侍衛如式三師三少以下各之

次

謁太廟

前一日右校掃除廟之內外守宮設太子次於廟西南東向又設三師以下及文武官次於皇太子次之後少近西俱東向奉禮設皇太子版位於廟庭道東北向其日皇太子入受冊所司轉鹵簿仗衛於永安門西以俟皇太子朝皇后訖出舍人引之次侍衛如常僕進金輅於次前左庶子版奏外辨皇太子出次乘輅奏請發引及侍臣陪從鐃吹聲作皆如初儀至安上門街當廟西鐃吹止至次前剋輅東向內率降立於輅右左庶子進

通典

卷第百五

禮八十五

十

當輅前跪稱左庶子臣某言請降輅俯伏興還侍位皇太子降輅乘輿入次侍衛如常儀皇太子入次一刻頃率更令立於次門之外左庶子版奏外辨皇太子出侍衛如常率更令引皇太子入自南門三師三少導從如式庶子二人一人贊左一人贊右舍人二人從近仗量人從入皇太子之位立定率更令奏請殿下再拜皇太子再拜少頃率更令奏殿下辭皇太子再拜辭率更令前奏禮畢率更令引皇太子出自南門入次侍衛如常皇太子既入便次有司轉仗衛於還塗如來儀僕進金輅於次前如常左庶子版奏外辨皇太子乘輿出自升

輅侍衛如常侍臣上馬陪從皆如來儀輅動過朝鳴鑣而行至重明門宮官文武俱下馬皇太子乘輅入三師三少還皇太子至東閣前廻輅南向左庶子跪奏請降輅俯伏興皇太子降輅乘輿以入侍臣從至閣左庶子版奏請將士各還本所

會羣臣

皆如元會之儀其日上壽辭曰具官某等稽首言皇太子岐嶷夙著令月吉日光踐承華臣等不勝大慶謹上千萬歲壽

羣臣上禮

前一日守宮量設次於東西朝堂如常其日應上禮之官依時刻集於次皆服其服奉禮先設上禮之官位於

通典

卷百五十五

禮八十五

七

東朝堂之前近南文武西重行北面相對爲首設中書舍人位於文武官爲首者之北南向設奉禮位於文官東北贊者二人在南差退俱西向謁者引上禮之官就位立定令史二人對舉表案禮部郎中引中書舍人前取表授舍人訖引案退奉禮唱再拜贊者承傳在位者皆再拜中書舍人奉表入進謁者引在位者退

皇后受羣臣賀

皆如元日奉賀之儀其賀辭同會禮謹奉賀以內給事宣令答

云知

皇后會命婦

皆如元會之儀其上壽辭云具位妾姓等言餘同上

皇太子會羣臣

皆如元會之儀其賀云伏惟殿下固天攸縱德業日新武功光宸

宮普天同慶某等情百常品不勝忻悅左庶子宣令答云某以不敏夙恭禮訓祇奉朝命慙懼惟深

皇太子會宮臣

皆如元會之儀其上壽同上

宮臣上禮

前一日守宮量設次於東宮朝堂如常其日應上禮之官依時刻各集於次皆服朝服奉禮先設上禮之官位於朝堂前文東武西重行北向相對為首設皇太子舍人位於文官為首者之北南向設奉禮位於文官東北贊者一人在南差退俱西向通事舍人各引上禮之官皆就位立定令史二人對舉表案詹事前承引就太子舍人取表授舍人訖引案退奉禮唱再拜贊者承傳在位者皆再拜舍人以表入謁者引在位者皆退

通典

卷五十五

禮八十五

三

內冊皇太子

卜日告圓丘方丘太廟竝有司行事如常儀

臨軒命使

其儀與臨軒冊后命使同惟司徒為副宣制曰冊某為皇太子為異

皇太子受冊

前一日守宮設冊使次於重明門外道西副使次又於其西俱南向竝鋪牀席又設宮臣文武官次於東宮朝堂如常所司親設皇太子羽儀車輿及樂懸等竝如元日受朝儀掌筵設皇太子受冊位於內殿之庭階間北

向掌儀設宮臣版位於殿庭文官五品以上於懸東六品以下於橫街之南皆西面北上武官五品以上於懸西六品以下於橫街南當文官皆東面北上奉禮設朝堂前位如常其日諸衛率所部屯門列仗如式宮官於冊使未到之先量時刻赴集次改服朝服各就朝堂前位太尉司徒既受命出至朝堂乘輅備鹵簿鼓吹持節如式其冊璽綬各以油絡網犢車載而行至東宮朝堂降輅謁者引就次持節者前導持案者從之掌次者延入次初冊使將至通事舍人各引宮臣入就殿庭位左庶子版奏請中嚴宮臣入訖通事舍人引太尉司徒入

通典

卷一百五

禮八十五

三

立於左閤門外西面北上持幡節冊璽案者至閤門外竝以給使代左庶子版奏外辦皇太子著雙童髻絳紗袍就受冊位所司先奏請左庶子一人引導相禮典直承引太尉以下入太尉立於階闈南面司徒立於太尉東南西面節在太尉東少南西面冊璽案在司徒西南東面掌書二人立於皇太子之左少前東面司徒就案取冊進東面授太尉持節者脫節衣太尉稱有詔左庶子贊皇太子再拜皇太子再拜太尉宣冊訖左庶子又贊再拜皇太子又再拜左庶子進詣太尉前受冊退授皇太子受以授掌書司徒又次取璽綬進東面授太尉

左庶子進太尉前受退授皇太子受以授掌書訖持節者加節衣左庶子贊引皇太子退典直各引太尉以下出至閣外通事舍人承引以出其案及幡節等並轉付令史主節又通事舍人各引宮臣以次出太尉司徒乘輅詣朝堂至降車所降輅入太極殿庭大橫街南御道東北向西上立中書令於太尉東北西面太尉等再拜復曰奉詔冊皇太子禮畢又再拜中書令奏聞太尉等退鹵簿幡節等還本司

皇太子朝謁

其日冊訖皇太子著雙童髻絳紗袍詣皇帝所御殿如

通典

卷百五

禮八十五

古

常內朝之式至閣司賓引至殿前北面再拜司賓引退詣皇后所御殿前北面再拜司賓引出還宮如常

謁太廟

皇帝會羣臣

羣臣上禮

皇后受羣臣賀

皇后會外命婦

皇太子會羣臣

皇太子會宮臣

宮臣上禮

右並如臨軒冊命儀

臨軒冊命諸王大臣

將冊命前一日尙舍奉御設御幄於太極殿北壁南向
守宮設羣官次於朝堂太樂令展宮懸於殿庭又設舉
麾位於上下竝如常儀其日典儀設羣臣版位文官一
品以下五品以上於懸東六品以下於大橫街之南俱
西面武官一品以下五品以上於懸西六品以下於大
橫街南俱東面以北爲上竝如常儀設受冊者位於大
街之南東重行北面西北設典儀位於懸之東北贊者
二人在南少退俱西向奉禮設門外位文官於東朝堂
西面武官於西朝堂東面俱每等異位重行北上其日

通典

卷一百五

禮八十五

五

依時刻諸衛勒所部列仗屯門及陳於殿庭如常儀受
冊者服朝服從第備鹵簿與羣官俱集朝堂次羣官各
服其服贊者乃引羣官俱出次典謁引就朝堂前位版
奏請中嚴鉞戟近仗入陳於殿庭太樂令帥工人入就
位協律郎入就舉麾位諸侍衛之官各服其器服符寶
郎奉寶俱詣閣奉迎典儀帥贊者先入就位通事引羣
官入就位又引受冊者入立於太極門外道東西向中
書侍郎以冊置於案令史二人皆絳公服對立於左延
明門內道北西面侍郎立於案後侍中版奏外辦皇帝
服通天冠絳紗袍御輿以出曲直華蓋警蹕侍衛如常

儀皇帝將出仗動太樂令令撞黃鍾之鐘右五鐘皆應協律郎跪俛伏興舉麾鼓祝奏太和之樂皇帝出自西房卽御座南向坐符寶郎奉寶置於御座如常儀樂止通事舍人引受冊者以次入就位立定受冊者東北西面中書侍郎引冊案進入於中書令之南少退俱西通事舍人引爲首者一人少前北面中書侍郎取冊進授退復位中書令稱有制受冊者再拜中書令讀訖受冊者又再拜通事舍人引受冊者進受訖典謁引退復位又通事舍人引次受冊如上儀徧冊訖中書令以下還侍位持案者以案退典儀曰再拜贊者承傳羣官在位者皆再拜通事舍人引受冊者以次出侍中前跪奏稱侍中臣某言禮畢俛伏興還侍位皇帝興太樂令令撞蕤賓之鐘左五鐘皆應鼓祝奏太和之樂皇帝降座御輿入自東房侍衛警蹕如來儀侍臣從至問樂止通事舍人引羣官在位者以次出若冊三師三公親王皇帝服袞冕之服鼓吹令設十二案乘黃令陳車輅尙輦奉御陳輿輦諸衛設黃麾半仗受冊者初入門舒和之樂作至位樂止冊畢初行樂作出門樂止餘同上儀冊開府儀同三司太子三師驃騎大將軍左右丞相京都牧

河南牧竝如臨軒冊命儀

通典

卷一百一十五

禮八十五

六

朝堂冊命諸臣

前一日守宮設受冊者次於東朝堂其日平明受冊者朝服升輅發第備鹵簿詣朝堂至降車所降輅謁者絳公服引就次奉禮設受冊者版位於東朝堂前近北向又設舍人宣冊位於其北南向將冊舍人引受冊者就版位立舍人公服先以冊書置於案令史二人絳公服對舉案又舍人引中書舍人持節者前導持案者次之出詣宣冊位持節者立於舍人之東少南西向持案者立於舍人西南東面持節者脫節衣持案者進舍人前舍人取冊持案者退復位舍人稱有制受冊者再拜宣冊訖又再拜又舍人引受冊者進舍人前北面受冊退復位持節者加節衣典謁引舍人幡節前導而入謁者引受冊者退受冊者升輅還第如來儀冊太子少師太子少傅太子少保特進輔國大將軍光祿大夫鎮國大將軍侍中中書令諸衛大將軍六尚書太子詹事太常卿都督及上州刺史在京者竝同上儀

冊內命婦三品以上

前一日守宮設使者及冊案使次於肅章門外及永安門外皆道右東向司設設受冊者位於其寢庭近南當階閭北向其日典儀設冊使位於肅章門外之西東向

北上舉冊案者位在南差退俱東向內謁者監先置案於肅章門外近限使者公服發朝堂乘輅鹵簿鼓吹持節如式其冊以油絡網犢車載而行至永安門降輅謁者引入其冊下置於冊案則隨使而入掌次者俱引入次受冊者花釵衣司言引就受冊位侍從如常謁者引冊使入就位持節者立於使者之北少退持冊案者立於使副西南俱東面持節者脫節衣持冊案者以案進使副前使副取冊於案持案者退復位使副以冊進授使者退復位內給事進使者前西面受冊進立於肅章門外跪置冊於案俯伏興退司言詣閣跪取冊興進立於受冊者之北

通典

卷一百五

禮八十五

大

南面稱有制受冊者再拜宣冊訖又再拜受冊者進受冊以退初冊入閣少頃謁者引使者出就永安門外次更衣乘馬各還其第鹵簿幡節俱還本司

遣使冊受官爵

前一日受冊之官設使者次於大門外道西南向其日使者至守次者引就次以制書置於案使者以下皆服朝服受冊者著朝服非朝服者公服出立正寢東階東南西面使者出次贊禮者引使者持節前導立於大門之西持節者立於使者之北少退令史二人對舉冊案立於使者西南俱東面立定贊禮者引受冊者迎於大

門外之南北面又贊禮者引使者持節者前導持冊案者次之入門而左使者詣階閒南面立持節者立於使者之東少南西面持冊案者立於使者西南東面贊禮者引受冊者入立於使者之南北面立定持節者脫節衣持冊案者取冊持案者退復位使者稱有制受冊者再拜宣冊訖受冊者又再拜贊者引受冊者進使者前北面受冊退立東階東南西面持節者加節衣贊禮者引使者持節者前導以出持案者從之俱復門外位贊禮者引受冊者出門東西面再拜送贊禮引使者還於次贊禮者引受冊者入

通典

卷八十五

禮八十五

充

朔日受朝

其朔日讀時令則不行此禮

前一日尙舍奉御設御幄於太極殿北壁南向守宮設文官次於朝堂如常儀太樂令展宮懸於殿庭設舉麾位於殿上西階之西東向一位於樂懸東南西向竝如常儀其日典儀設文官三品以上位於橫街之南道東設武官三品以上位於道西俱每等異位重行北面相對爲首設文官四品五品位於懸東六品以下於橫街之南每等異位重行西面北上設武官四品五品位於懸西六品以下於橫街之南當文官每等異位重行東面北上設典儀位於樂懸東北贊者二人在南少退又

奉禮設門外位文官於東朝堂西面武官於西朝堂東面皆每等異位重行北上其日依時刻諸衛勒所部列仗屯門及陳於殿庭如常儀羣官朝集官俱就次各服公服吏部兵部贊羣官俱出次通事舍人各引就朝堂前位侍中版奏請中嚴鈸戟近仗人陳於殿太樂令帥工人入就位協律郎入就舉麾位諸衛之官各服其器服符寶郎奉寶俱詣閤奉迎典儀司贊者入就位通事舍人引四品以上先入就位侍中版奏外辦有司承旨索扇皇帝弁服絳紗衣御輿以出曲直華蓋警蹕侍衛如常儀皇帝將出仗動太樂令令撞黃鍾之鐘右五鐘

通典

卷一百五

禮八十五

五

皆應協律郎跪俛伏舉麾鼓祝奏太和之樂皇帝出自西房卽御座南向坐符寶郎奉寶置於御座如常儀協律郎偃麾夏啟樂止通事舍人引三品以上以次入就位公初入門舒和之樂作至位樂止立定典儀曰再拜贊者承傳在位者皆再拜典儀又曰再拜贊者承傳羣官在位者又再拜舍人引羣官北面位者以次出公初行樂作出門樂止侍中前跪奏稱侍中臣某言禮畢俛伏興還侍位有司承旨索扇皇帝興太樂令令撞蕤賓之鐘左五鐘皆應奏太和之樂皇帝降座御輿入自東房侍衛警蹕如來儀侍臣從至閤樂止舍人引東西面

位者以次出皇帝若御翼善冠則羣臣皆服袴褶不設樂懸去警蹕

朝集使引見 奉辭附

前一日尚舍奉御先奏於御殿所設御座如常儀其日依時刻所司量加隊仗陳列如常式典儀於殿庭橫街之南北設版位如常儀其日朝集使夙興竝集朝堂各服其服朝京官文武九品以上竝服袴褶諸侍奉官及京官文武四品以上就位如式通事舍人引京官文武三品以上及朝集使俱就所御殿門外序立以次侍中進奏外辦皇帝常服即御座南向坐侍衛如常儀通事

通典 卷五十五

禮八十五

三

舍人分引京官文武三品以上詣橫街南相對北面位立定典儀曰再拜羣官在位者皆再拜訖通事舍人各引就街北東西班停立又通事舍人分引朝集使入北面位 東方南方在東西方北方在西 立定典儀曰再拜朝集使等俱再拜通事舍人承旨詣朝集使東北面立稱有制朝集使等皆再拜舍人宣敕訖又再拜 答制先定行首一人跪奏舍人為奏聽進止 若承恩慰問即舞蹈訖又再拜舍人宣敕訖侍中奏禮畢皇帝還宮如來儀侍臣退羣官等以次退其朝集使奉辭皆準奉參之儀其京官但常參官列版位其朝集使三品以上引升殿賜食四品以下於廊下賜食竝臨

時奏聽進止

通典

卷一百二十五

禮八十五

三



通典卷第一百二十五

通典卷第一百二十六

唐 京 兆 杜 佑 君 卿 纂

禮八十六 開元禮纂類二十一 嘉五

皇太子加元服

告太廟 先期如常告之儀

臨軒命賓贊

所司先奏請司徒一人爲賓卿一人爲贊冠吏部承以戒之前一日尚舍奉御整飭御幄於太極殿衛尉設羣臣朝集使諸蕃客次於左右朝堂太樂令展宮懸之樂於殿庭設舉麾位於殿上一位於懸下鼓吹令設十二

通典

卷百二十六

禮八十六

一

案乘黃令陳車輅尚輦奉御陳輿輦輦典儀設文官一品以下五品以上位於橫街之北西面北上諸州使人五品以上台班六品以下位於橫街南諸州使人六品以下諸蕃客又在南皆西面北上設武官五品以上位於橫街北東面北上諸州使人五品以上台班諸親位於其南六品以下位於橫街南諸州使人六品以下及蕃客等又於其南皆東面北上設典儀位於懸之東北贊者二人在南少退俱西向設賓受命位於橫街南道東北面贊者位又於其後少東北面奉禮郎設門外文官一品以下位於順天門外道東每等異位重行西面武

官一品以下位於門西每等異位重行東面竝以北爲上其日諸衛勒所部列黃麾仗如常儀羣臣各依時刻集朝堂俱就次各服其服侍中量時版奏請中嚴協律郎太樂令帥工人就位諸侍衛之官各服其器服奉迎典儀帥贊者先入就位通事舍人引先置羣官入立定又引賓贊入立於太極門外道東西向黃門侍郎引主持節中書侍郎引制書案立於樂懸東南面西北上侍中版奏外辦皇帝服通天冠絳紗袍以出曲直華蓋警蹕侍衛如常儀皇帝將出仗動太樂令令種黃鍾之鐘右五鐘皆應協律郎舉麾鼓祝奏太和之樂皇帝升輿出自西房卽御座南向坐符寶郎奉寶置於御座樂止通事舍人引賓贊入就位賓贊初行人門舒和之樂作至位樂止立定典儀曰再拜侍中及舍人前承制侍中降至賓前稱有制公再拜將加冠於某之首公其將事公少進北面再拜稽首辭曰臣不敏恐不能供事敢辭侍中拜奏又承制降稱制旨某公將事無辭公再拜退復位侍中退舍人至卿前稱敕旨卿再拜將加冠於某之首卿宜贊冠卿再拜舍人退黃門侍郎引主節至賓所主節授黃門侍郎黃門侍郎執節立於賓東北面賓再拜受節付主節訖又再拜主節立於賓後黃門侍郎

退中書舍人引制書案至賓所取制書在賓東北西面立賓再拜受制書執立又再拜持案者立於賓後中書侍郎退典儀曰再拜贊者承傳羣官在位者皆再拜舍人引賓贊出賓贊初行樂作出門樂止侍中前跪奏稱侍中臣某言禮畢俛伏興還侍位皇帝興太樂令令撞蕤賓之鐘左五鐘皆應鼓祝奏太和之樂皇帝降座侍衛警蹕如來儀入自東房樂止舍人引一品以下以次出初賓贊出門賓以制書置於案升車從輅而行威儀鼓吹詣東宮降輅入次賓贊具服其一品以下以次出蕃客各還館九品以上詣東宮朝堂次服其服就位如

通典

卷一百一十五

禮八十六

三

冠儀

冠

前一日衛尉設賓次於重明門外道西南向贊冠次又於其西南向竝鋪牀席又於重明門內道西施一次擬會賓贊設文武羣官九品以上及羣親并宮臣次如常儀奉禮設文武羣官九品以上諸親在五品之下及宮臣外位如常儀設殿庭位文武羣官共典儀共宮臣合班諸親在五品下文官在東西面武官在西東面皆以北爲上又設皇太子位於閣外道東西向設三師位於閣外道西三少位於三師之南少退東向典儀又設皇

太子受制位於樂懸北北面所司設軒懸之樂於殿庭
又設舉麾位於庭上一位於懸下有司設皇太子羽儀
車輿於殿庭如常儀典設郎帥其屬鋪解劍席於懸之
東北冠日平明宮臣皆朝服非宮臣者公服三師三少
公服並集於重明門外次宗正卿乘犢車侍從詣左春
坊權停左右二率各勒所部屯門列仗左庶子版奏請
中嚴工人及諸行事之官各入就位奉禮郎設壘洗於
東階東南壘在洗東籬在洗西南肆籬實爵加巾典設郎鋪
皇太子冠席於殿上東壁下近南西向設賓席於西階

上東向設主人席於皇太子席西南西向設三師席於
通典卷第六禮八十六 四

冠席北三少席於冠席南典設郎張帷幄於東序內設
褥席於帷中又張帷幄於序外擬置饌物等內直郎陳
服於帷內東領北上袞冕服元衣纁裳九章白紗中單
黼領襟襪裾革金鈎黼大帶朱黻二章玉具劍火珠釧
首瑜玉雙佩珠組雙大綬四綵赤白纁紺純朱質長一
丈八尺三百二十首廣九寸小綬長二尺六寸色同大綬而首半之間施二玉環
白韞赤烏金飾象笏遠遊冠服絳紗袍白紗中單阜領
標襪裾白方心曲領假帶絳紗蔽膝白練裙襦白韞黑
烏其革帶劍佩綬笏與冕服同縑布冠元衣素韞白紗
中單青領標襪裾履韞革帶大帶笏縑纒用阜羅巾方六寸屬帶於

前兩 犀簪二物同箱在服南櫛實於箱又在南莞筵四

紛純纈席四績純又在南良醞令實側樽甌禮加勺罍
於序外帷內設壘在洗北筐在洗南東肆實巾一角觶
北執在庭壘洗者絳公服立於壘洗之南北向執帷內
樽壘洗籩豆俎等竝絳公服立於樽壘豆俎之所冕白
珠九旒犀導組纓青纁充耳遠遊三梁冠金附蟬九首
施朱翠黑介幘犀導肆髮纓綵緇布冠青組纓屬於冠
冠冕各一箱盛奉禮郎二人各執立於階之西東面北
上主人各贊冠者庶子爲之升諸東序帷內少北戶東西面

通典

卷一百一十五

禮八十六

五

立典謁引羣官以次入就常位初賓贊入次左庶子版
奏外辦通事舍人引三師等入就閣外道西位東面立

皇太子著空頂黑介幘雙童髻玉導寶飾綵衣紫褶緣
綉織成

標領緣錦
紳烏皮履乘輿以出洗馬迎於閣門外左庶子跪奏稱

左庶子臣某言請殿下降輿俯伏興還侍位皇太子降
輿洗馬引之道東位西向立左庶子又前跪奏稱左庶
子臣某言請殿下再拜皇太子再拜三師三少答再拜

洗馬引就階東南位三師訓導在前三少訓從於後千
牛仗二人夾左右其餘仗衛列於師保之外通事舍人

引宗正卿入見皇太子訖通事舍人引出迎賓洗馬引

皇太子初行樂作至階東西面立偃麾樂止

凡樂皆伶官帥舉麾

工鼓祝而後作偃麾戛敵而後止

宗正卿引迎賓於門東西面賓立於

門西東面宗正卿再拜賓不答拜賓入門樂作主人從

入立於樂懸東北西面賓入贊冠者從入舍人引賓贊

詣殿階間南立樂止贊冠者立於賓西南東面節在賓

東少南西面制案在贊冠西南東面賓就案取制執洗

馬引皇太子詣受制位北面立皇太子初行樂作至位

樂止主節脫節衣賓稱有制皇太子再拜宣詔曰制皇

太子某吉日元服率由舊章命太尉就宮展禮訖皇太

子又再拜少傅進詣賓前受制書退授皇太子皇太子

通典

卷宿王

禮八十六

六

受制書付庶子案退洗馬引皇太子師保等如式升東

階從升

初行樂作至階樂止入東序帷內近北西向立

師保等就席位訖賓升西階宗正卿升東階各立席後

初賓升舍人引贊冠者詣壘洗盥手升自東階詣序帷

內於主人贊冠之南俱西面贊引皇太子出立於席東

西面賓之贊冠者取纒櫛二箱坐奠於皇太子南端興

席北少東西向立賓揖皇太子進升筵西向坐賓之贊

冠者進筵前東面坐脫空黑介幘置於箱櫛畢設纒興

少北南面立賓降盥主人從降樂作賓升樂止主人從

升執緇布冠者升賓降一等受之右執頂左執前進皇

太子筵前東向立祝曰令月吉日始加元服棄厥幼志
慎其成德壽考維祺以介景福乃跪冠興復位東面立
賓之贊冠進筵前東面跪結纓興復位皇太子興賓揖
皇太子贊冠者引皇太子適東序帷內著元衣素裳之
服以出立於席東西面賓揖皇太子進升筵西向坐賓
之贊冠者進筵前東面跪脫緇布冠置於黑介幘之箱
櫛纚依舊不解興復位賓降二等受遠遊冠右執頂左
執前進皇太子筵前東向祝曰吉月令辰乃申嘉服克
敬威儀式昭厥德眉壽萬年永受祺福乃跪冠興復位
主人贊冠者引皇太子適東序帷內著朝服以出立於

通典

卷一百一十五

禮八十六

七

席東西面賓揖皇太子進升筵西向坐賓之贊冠者進
筵前東向跪脫遠遊冠置於纚箱櫛纚依舊不解興復
位賓降三等受冕右執頂左執前進皇太子筵前東向
祝曰以歲之正以月之令咸加其服以成厥德萬壽無
疆承天之慶乃跪冠興賓復位賓之贊冠者跪受簪結
纓興復位皇太子興賓揖皇太子贊冠者引皇太子適
東序著袞冕之服以出立於席東西面贊冠者徹纓櫛
二箱入於帷內主人贊冠者又設醴皇太子席於室戶
西南向下莞上藻賓之贊冠者於東序帷內盥手洗觶
典膳郎酌醴加柶覆之面柄賓之贊冠者受面葉立於

序內南面立賓揖皇太子贊冠者引皇太子就筵西南面立賓進受醴加柶面柶進皇太子筵前北面立祝曰甘醴惟厚嘉薦令芳拜受祭之以定厥祥承天之休壽考不忘皇太子筵西拜受觶賓復位東面答拜贊冠者興進饌陳於皇太子筵前皇太子升筵坐左執觶右執脯擣於醢祭於籩豆之間贊冠者取筐菹徧擣於豆以授皇太子又祭於籩豆之間贊冠者取肺一以授皇太子皇太子奠觶於薦西興受肺鄰左手執本坐繚右手執末以祭上左手濟之興以授贊冠者加於俎皇太子悅手興取觶以柶祭醴三始扱一祭又扱再祭加柶於觶面葉興筵末坐啐醴建柶興降筵西南南面坐奠觶再拜執觶興賓答拜皇太子升筵坐奠觶於薦東興降筵贊冠者引皇太子降自西階立於西階之東南面賓初答拜訖降立於西階之西近南東面引賓之贊冠者隨降立於賓西南東面皇太子立定賓少進字之曰禮儀既備令月吉日昭告厥字君子攸宜宜之於嘏永受保之奉敕字某皇太子再拜曰某雖不敏敢不祇奉又再拜洗馬引皇太子降初行樂作至阼階下位樂止三師在南北面三少在北南面立定皇太子西面再拜三師等答再拜以出於三師拜訖典儀曰再拜贊者承傳

羣官在位者皆再拜左庶子前稱禮畢皇太子乘輿以入侍臣從至閣如常儀初皇太子降通事舍人引賓贊及宗正出就會所

會賓贊

賓既出於會所門外之西東面北上宗正卿立於門東西面立定一揖一讓而入宗正卿立於座東西面賓贊立於座西東面俱再拜就座俛伏坐遂行酒酒至賓主俱興再拜就席坐飲食至賓主俱興設食訖賓主俱坐食會訖贊立於西廂東面南上宗正卿立於東廂西面執事奉束帛之篚以授宗正卿又執事者奉束帛篚立通典卷宿天禮八十六 九

於宗正卿之後後牽乘馬入陳於庭北首西上賓贊俱廻北面西上再拜宗正卿以幣篚進西南向授賓執事者以幣進授贊冠者宗正卿與執事者退復位賓贊降從者互受幣賓當庭實揖左右馬以出三馬從出從者互受馬宗正卿出門東西面賓出門西東面北上宗正卿與賓俱揖而退賓贊就車輅詣順天門外復命

朝謁

朝前衛尉先於順天門外東朝堂之北設太子次又於後設三師三少及詹事等次皇太子冠訖諸衛尉率依常行鹵簿陳列威儀仗衛前後部鼓吹備列師傅以下

宮臣皆服其服皇太子服遠遊冠絳紗袍乘輿以出儀衛侍從如常禮洗馬前導皇太子出重明門左庶子跪奏請降輿升輅又左庶子稱令曰諾左庶子俯伏興皇太子降輿升金輅三師乘輅車訓導在前三少亦乘輅車訓從在後威儀仗衛依鹵簿發引鳴鑾而行至長樂門鑾吹止至順天門次廻輅西向左庶子跪奏請降輅就次又左庶子稱令曰諾左庶子俛伏興皇太子降輅洗馬前導入次左庶子待右舍人引三師三少詹事就次皇太子停於次少頃舍人奏聞典儀先於皇帝所御殿前設皇太子位左庶子跪奏請入又左庶子稱令曰諾左庶子俯伏興皇太子出次左庶子等夾侍舍人引洗馬導引當門揖引入外宮諸儀衛鹵簿等悉陳列於門外皇太子自東上閣洗馬左庶子等從入至皇帝所御殿前位北向立從官陪後左庶子贊拜皇太子再拜侍中宣敕戒曰事親以孝接下以仁使人以義養人以惠訖皇太子再拜少進稱臣雖不敏敢不祇奉又再拜訖引下詣皇后所御殿至殿院內給事奏聞出則皇太子入洗馬左庶子等不入太子至皇后所御殿前北向立再拜尚儀前承令降詣皇太子西北東面稱令旨皇太子再拜宣令戒之詞如皇帝皇太子再拜少進稱臣

夙夜祇奉不敢失墜又再拜司言引至閣舍人承引以出皇太子還如來儀

皇太子謁太廟

前一日皇太子宿齋於正殿其宮臣從入廟者宿齋於家正寢所司掃除廟之內外衛尉設皇太子次於正寢西南角東向又設三師以下及宮官次於皇太子之後少近西俱東向又設宮官次於東宮朝堂奉禮郎設皇太子版位於朝堂道東北向典儀設宮臣位於重明門外文官在東西面武官在西東面每等異位重行俱以北爲上其日未明所司依鹵簿陳設於重明門外宮臣

通典

卷一百一十五

禮八十六

十一

應從者依時刻集朝堂次皆服朝服非朝服者服常服諸率各勒所部陳設如式左庶子版奏請中嚴僕策輅於西閤外南向左右執刀立於輅前北向舍人引宮官各就位侍衛之官各服其器服其庶子負寶如式俱詣閤奉迎左庶子版奏外辦僕奮衣而升正立執轡皇太子服遠遊冠絳紗袍以出左右侍衛如常洗馬引皇太子升僕立授綏命車右升訖車驅左庶子以下夾侍如式出重明門左庶子進當輅前跪奏稱左庶子臣某言請車輅權停請侍臣上馬俛伏興退稱侍臣上馬贊者唱侍臣上馬文武侍臣皆上馬宮官上馬畢左庶子進

當輅前跪奏稱左庶子臣某言請發引俯伏興還侍位
皇太子車輅動鐃吹不作文官在左武官在右至下馬
所侍臣竝下車馬皇太子至次所廻輅南向庶子跪奏
稱左庶子臣某言請殿下降輅俯伏興還侍位皇太子
降輅洗馬引入次侍臣立如常皇太子入次一刻頃左
庶子跪奏稱左庶子臣某言請殿下出次俯伏興皇太
子出次謁者引家令家令引皇太子入自南門三師三
少導從如式庶子二人一人贊左一人贊右舍人二人
從近仗量人從入皇太子至位立定家令奏請殿下再
拜皇太子再拜少頃家令奏禮畢謁者引家令家令引

通典

卷一百一十五

禮八十六

三

皇太子出自南門升輅還宮如來儀至重明門外皇太
子乘輅入將士停三師三少還皇太子至殿前廻輅左
庶子跪奏請殿下降輅俯伏興皇太子降入侍臣從至
閣左庶子跪奏請將士各還本位

其還宮鳴
鐃吹如常

會羣臣

皇太子冠見廟之明日皇帝會羣臣如元會之儀其上
壽詞云皇太子爰以吉辰載加元服德成禮備普天同
慶臣等不勝悅慶謹上千萬歲壽

羣臣上禮

先上禮三日本司宣令諸應上禮文武之官一品以下

五品以上前一日衛尉量設次於東朝堂晝漏上水七刻各集於次皆朝服奉禮郎先設上禮之官位於東朝堂南文東武西北面重行相對爲首又設中書舍人位於文官爲首者之北南向設奉禮郎位於文官東北贊者二人在東南差退俱西向牛酒在文武二位之間少前舍人各引應上禮之官就位定令史二人對舉賀錄案禮部郎中引就中書舍人前取賀錄授舍人訖引案退奉禮郎唱再拜贊者承傳在位者皆再拜中書舍人奉賀錄入進舍人引在位者退酒十二斛犢十二頭赤繩爲籠頭奏訖竝付所司

通典

卷第八十六

禮八十六

三

皇太子會宮臣

皇太子會宮臣如常會之儀上壽與上同詞

宮臣上禮

先上禮一日詹事宣告上禮之官詹事以下七品以上晝漏上水七刻皆朝服集東宮南門之左典儀先設羣官位於中門外北面以西爲上牛酒置其位西五步少近晝漏上水八刻通事舍人引羣官皆就位定詹事丞奉羣官簡錄案於詹事前東面跪授導客舍人導客舍人西面立受廻南向立典儀唱再拜詹事以下俛伏興皆再拜導客舍人以簡錄案入通事舍人引羣官詹事


以下退酒九斛盛以銅鍾一斛犢九頭赤繩爲籠頭皆
付所司

通典

卷佰五

禮八十五

古



通典卷第一百二十六

07217



